

श्री रत्नप्रभाकर ज्ञान पुष्पमाला पुष्प नम्बर ४०.

श्रीरत्नप्रभसूरीश्वर सद्गुरुभ्यो नमः ।

श्रीमद्

देवकृद्विगणी क्षमाश्रमण प्रणीतम्

अथ श्री

नन्दीसूत्र मूल पाठः

संशोधक—

श्रीमदुपकेश (कमला) गच्छीय  
मुनिश्री ज्ञानसुन्दरजी ( गयवरचन्दजी )

द्रव्य सहायक—

श्री फलोदी संघ  
स्वपनादिकी बोलीकी उपजमेंसे मु० ओसीया ।

प्रकाशक—

शा० माणेकलाल अनुपचन्द, मु० सूरत.

प्रथमावृत्ति ]

वीर सं० २४४७.

[ प्रत १०००.

‘जिनावेजय’ प्रिन्टिंग प्रेस—सूरतमें  
मूलचन्द किसनदास कांपड़ियाने मुद्रित किया ।





नमो नंदिमहानंदिसूत्राय सूक्त भासते ॥

किंचित्तस्य महात्म्यञ्च लिखामि लोकभाषया ॥१॥

“ सुविदितમેતત્ સકલસુખાવદ્ પ્રવાહવાહિની વીરવાણી જયતિતરાણ્ણેતિ ” અતઃ શ્રીસકલસંઘ સમુદાયને સવિનય પ્રાર્થના પૂર્વક વિદિત કરવાનુકે શ્રી વીતરાગ મહારાજ શ્રી વીર વર્ધમાન મહાવીર પ્રભુના શ્રીમુખથી પ્રકાશિત થયેલાં બાર અંગસૂત્રો છે, તે સમગ્ર સૂત્રજ્ઞાનનું મહાનિધાન, સ્યાદ્વાદ દ્વાદશાંગી વાણીનું વદનકમલ, ત્રિકાલ વ્યવસ્થા સ્વરૂપ આદર્શ, ત્રિકાલ વિલોકન સુલોચન, પાપમોચન, સંકટમોચન, જૈન જ્યોતિ પ્રદ્યોતાયમાન્ પ્રદીપ સકલ જીવ જીવન, જ્ઞાનાત્મસ્વરૂપ, સુગૃહીત નામધેય, શ્રી નંદી સૂત્ર છે.

આ સૂત્ર દેવર્દિગણિક્ષમાશ્રમણ નિર્ગ્રંથ મહારાજે લોકાનુ-  
ગ્રહાર્થે ગદ્યાર્થ રૂપમાં રચી મહામણિ ચિંતામણિ પેટે સમગ્ર  
સંઘને સમર્પણ કર્યું છે.

આ આગમના પઠનપાઠનથી ઉભય લોક સફલ થાયછે,  
સુખવિપાક ફલ કરી ભુક્તિમુક્તિ પ્રાપ્ત થાયછે. વિશેષતઃ પ્રાચીન  
મહાપુરુષો પ્રતિદિન નન્દી સ્વાધ્યાય કર્યા પછીથીજ આહાર પાણી  
કરતા, અને શિષ્ય પ્રશિષ્યોને આજ્ઞાપૂર્વક પઠન પાઠન પરંપરા  
કાયમ કરાવતા હતા.

આ નન્દીસૂત્રની સ્વાધ્યાય શક્તિથી જ્ઞાનાવર્ણાદિ કર્મોનો ક્ષય થાયછે, બુદ્ધિ વૃદ્ધિ પામેછે, યાદશક્તિ, સ્મરણશક્તિ, મેધા પ્રતિભા વૃદ્ધિ પામેછે, મગજ સ્વચ્છ થાયછે, દેહદંડ અપરાધો ક્ષય પામેછે, ચિત્તવૃત્તિ એકાગ્ર રહેછે, કુણ્ડલિની નાડી જાગૃત થાયછે, નાભિ કમલ પ્રફુલ્લિત થાયછે, વિચારબલ, જ્ઞાનબલ, પુણ્ય બલ, ધર્મબલ, આરોગ્યબલ, આત્મબલ, ચારિત્રબલ, તપોબલ, મનોબલ, વચનબલ, કાયબલ, ક્રિયાબલ, સ્વાધ્યાયબલ, હૃદયબલ, આગમબલ, સમાધિબલ, યોગબલ અને પુણ્યાનુબન્ધિબલ વૃદ્ધિ પામેછે. દુષ્ટ સંસ્કારો નાશ પામેછે, તેથી દિવ્ય પરમાણુઓ સ્વયં આકર્ષિત થઈ સદાગમની પ્રતિષ્ઠા કરેછે. સુસ્વપ્નદર્શન, દિવ્ય દર્શન અને પ્રાચીન તીર્થ દર્શન થાયછે, સૂત્ર દેવતા સાનુકુલ થઈ પ્રતિક્ષણે સદ્બુદ્ધિ આપેછે.

આ સૂત્રનું પ્રતિદિન એક વે વચ્ચે અભિગ્રહ પૂર્વક પઠન પાઠન કરવું, જેથી આજે પણ અનેક ચમત્કારો પ્રગટ થાયછે.

આ સૂત્ર પાંચમા આરામાં કુંડામાં રત્નરુપછે, અક્ષરે અક્ષર મંત્રવિદ્યાગર્ભિત આ પવિત્ર નન્દીસૂત્રનો અવશ્ય સ્વાધ્યાય કરવો. મહ્યાત્માઓએ ત્રિકાલ વિજયી નન્દી મહાનન્દી સૂત્રનું અવશ્ય પઠન પાઠન કરવું, કારણકે “ સ્વાધ્યાયઃ પરમં તપઃ ” માટે નન્દીસૂત્ર વાંચો અને વંચાવો. સુત્રેષુ કિં બહુનાં સવિનય પ્રાર્થના. ઇત્યલમ્ । તથાસ્તુ ।

“ ધર્મ રત્ન ”



॥ श्रीमद्देवक्रुद्धिगणिक्षमाश्रमणप्रणीत ॥

## श्री नन्दीसूत्र मूलपाठः।



जयह जग जीव जोणी वियाणओ । जगगुरू जगाणंदो ।  
जगनाहो जगबंधू । जयह जगपियामहो भयवं ॥ १ ॥  
जयह सुआणं पभवो । तित्थयराणं अपच्छिमो जयह ॥  
जयह गुरुलोगाणं । जयह महप्पा महावीरो ॥ २ ॥  
भदं सव्वं जगुज्जोयगस्स । भदं जिणस्स वीरस्स ॥  
भदं सुरासुरनमंसियस्स । भदं धुयरयस्स ॥ ३ ॥  
गुणभवणगहण । सुयरयण भरियं दंसणविमुद्धरत्थागा  
संघ नगर भदंते । अखंड चारित्तपागारा ॥ ४ ॥  
संजम तव तुंबरयस्स । नमो सम्मत्त पारियाल्लस्स ॥  
अप्पाडिचक्कस्स जाओ होउ सया संघचक्कस्स ॥ ५ ॥  
भदं सील पडागूसियस्स । तव नियम तुरय जुत्तस्स ॥  
संघरहस्स भगवओ । सज्झाय सुनांदघोसस्स ॥ ६ ॥

कम्मरय जलोह विणिग्गयस्स । सुयरयण दीहनालस्स ।  
 पंच महव्वय थिरकन्नियस्स । गुणकेसरालस्स ॥ ७ ॥  
 सावग जण महुअरि परिबुडस्स । जिण सूर तेय बुद्धस्स  
 संघपउमस्स भइं । समण गण सहस्स पत्तस्स ॥ ८ ॥  
 तव संजम मयलंछण । अकिरिया राहुमुह दुद्धरिस्स  
 निचं ॥

जय संघ चंद । निम्मल सम्मत्त विखुद्ध जोणहागा ॥ ९ ॥  
 पर तिस्थिय गह पह नासगस्स । तवतेय दित लेसस्स ।  
 नाणु ज्जोयस्स जए भइं दम संघ सूरस्स ॥ १० ॥  
 भइं धिइ बेला परिगयस्स । सज्झाय जोग मगरस्स ॥  
 अक्खोहस्स भगवओ । संघ समुदस्स रुद्धस्स ॥ ११ ॥  
 सम्म दंसण वर वइर दढ रुढ गाढ पेढस्स ॥  
 धम्म वररयण मंडिअ चाभीयर मेहलागस्स ॥ १२ ॥  
 निय मूसिय कणय सिलायलुज्जल जलंत चित्तकूडस्स ॥  
 नंदण वण मणहर सुरभि सील गंधुडुमायस्स ॥ १३ ॥  
 जीवदया सुंदर कंद रुद्धरिय मुणिवर मइंद इन्नस्स ॥  
 हेउ सय धाउ पगलंत रयणदित्तोसहि गुहस्स ॥ १४ ॥  
 संबर वर जल पग लिय उज्झर पविराय माणहारस्स ॥  
 सावग जण पउर खंत मोर नचंत कुहरस्स ॥ १५ ॥  
 विणय नय पवर मुणिवर फुरंत विज्जुज्जलंत सिहरस्स ।

विविह गुण कप्प रुक्खग फलभर कुसुमाउल

वणस्स ॥ १६ ॥

नाण वर रयण दिप्पंत कंत वेरुलिय विमल चूलस्स ॥

वंदामि विणय पणओ संघ महामंदर गिरिस्स ॥ १७ ॥

गुण रयणु ज्जल कडअं सील सुगंधि तव मंडिउद्देसं ॥

सुयवरसंगसिहरं संघ महामंदरं वंदे ॥ १८ ॥

नगर रह चक्क पउमे चंदे सूर ससुद्ध मेरुमि ॥

जो उवमिज्जइ सयमं तं संघगुणायरं वंदे ॥ १९ ॥

बंदे उसभं अजियं संभव मभिनंदणं सुमइ सुप्पभं

सुपासं ॥

ससि पुप्फदंत सीयल सिज्जंसं वासुपुज्जं च ॥ २० ॥

विमल मणंत च धम्मं सन्ति कुथुं अरं च मलिं च ॥

मुनिसुव्वय नमिनेमिं पासं तह वद्धमाणं च ॥ २१ ॥

पढमित्थ इंदभूइ बीए पुणहोइ अग्गिभूइत्ति ॥

तईए य वाउभूइ तओ वियत्ते सुहम्मेय ॥ २२ ॥

मंडिअ मोरिय पुत्ते अकंपिए चेव अयल भायाय ॥

मे अज्जेय पहासेय गणहरा हुंति वीरस्स ॥ २३ ॥

निव्वुइ पह सासणयं जयइ सया सव्व भाव देसणयं ॥

कुसमय मय नासणयं जिणिंदवर वीरसासणयं ॥ २४ ॥

सुहृम्मं अग्निवेसाणं जंघुनामं च कासवं पभवं ॥

कचायणं वंदे वच्छं सिज्जंभवं तथा ॥ २५ ॥

जसभहं तुंगियं वंदे संभूयं चैव माढरं ॥

भद्दबाहुं च पाइन्नं थूलभहं च गोयमं ॥ २६ ॥

एलावच्चसगोत्तं वंदामि महागिरिं सुहत्थिं च ॥

तत्तो कोसिअगोत्तं बह्लस्स सरिच्चयं वन्दे ॥ २७ ॥

हारियं गुत्तं साइंच वंदामी हारियं च सामज्जं ॥

वन्दे कोसिअ गोत्तं संडिल्लं अज्ज जीयधरं ॥ २८ ॥

तिसमुद्धखायकित्तिं दीवस मुद्देसु गहिय पेयालं ॥

वंदे अज्ज समुहं अक्खुभिय समुहगंभीरं ॥ २९ ॥

भणगं करगं झरगं पभावगं नाणदंसण गुणाणं ॥

वंदामि अज्ज मंगुं सुय सागर पारगं धीरं ॥ ३० ॥

वंदामि अज्ज धम्मं तत्तो वंदे य भहं गुत्तं च ॥

तत्तोय अज्ज वहरं तव नियम मुणेहिं वहर समं ॥ ३१ ॥

वंदामि अज्ज रक्खियं खमणे रक्खिय चारित्ते

सच्चस्से ॥

रयण करडंग भूओ अणुओग रक्खिओ जेहिं ॥ ३२ ॥

नाणंमि दंसणं मिअ तव विणए निच्च काल मुज्जुत्तं ॥

अज्जं नंदिलखमणं सिरसा वंदे पमन्नमणं ॥ ३३ ॥

वड्ढउ वायगवंसो जसवंसो अज्ज नागहत्थीणं ॥  
 वागरण करण भंगिय कम्मपयडी पहाणाणं ॥ ३४ ॥  
 जच्चंजण धाउ समप्पहाण सुदिय कुवलय निहाणं ॥  
 वड्ढउ वायगवंसो रेवइनक्खत्त नामाणं ॥ ३५ ॥  
 अयलपुरा णिक्खन्ते कालियसुय आणुओगिए धीरे ॥  
 बंभहीवठासीहे वायगपय सुत्तमं पत्ते ॥ ३६ ॥  
 जेसि इमो अणु ओगो पयरइ अज्ज विअड्ढभरहम्मि ॥  
 बहु नयर निग्गय जसे तं वंदे खंदिलायरिए ॥ ३७ ॥  
 तत्तो हिमवन्त महंत विक्रमे धिइ परक्कम मणंते ॥  
 सज्झायं मणंनधरे हिमवंते वंदिमो सिरसा ॥ ३८ ॥  
 कालिय सुय अणु ओगस्स धारए धारए य पुव्वाणं ॥  
 हिमवंत खमा समणे वंदे नागज्जुणायरिए ॥ ३९ ॥  
 मिउमहव संपन्ने आणुपुव्वि वायगत्तणं पत्ते ॥  
 ओहसुय समायारे नागज्जुण वायए वंदे ॥ ४० ॥  
 गोवं दाणं पि नमो अणुओगो विउल धारिणिं दाणं ॥  
 दाणं निच्चं खंति दुयाणं परुवणे दुल्लभिं दाणं ॥ ४१ ॥  
 तत्तोय भूयदिन्न निच्चं तव संजमे अनिव्विणं ॥  
 पंडिय जण सामणं वंदामि संजमं विहण्णु ॥ ४२ ॥  
 वरकणगतविय चंपग विमउलवरकमल गव्वभसरिवन्ने।  
 भविअ जणहियय दइए दयागुण विसारए धीरे ॥ ४३ ॥

अङ्ग भरह प्पहाणे बहुविह सज्झाय सुमुणिय पहाणे ।

अणुओगिय वर वसभे नाइल कुल वंसनंदिकरे ॥४४॥

भूयहि अप्प गम्भे वंदेऽहं भूयदिन्न माय रिए ॥

भवभय वुच्छेय करे सीसे नागज्जुण रिसीण ॥४५॥

सुमुणिय निब्बा निब्बं सुमुणिय सुत्तत्थ धारयं वन्दे ॥

सन्मावुढभावणया तत्थं लोहिच्चणामाणं ॥ ४६ ॥

अत्थ महत्थक्खाणि सुसमण वक्खाण कहण

निब्बाणि ॥

पर्यईइ महुरवाणि पयओ पणमामि दूसगणि ॥ ४७॥

तच्च नियम सच्च संजमं विणयज्जव खंति महवरयणं ॥

सील गुणगहियाणं अणुओगे जुगव्वहाणाणं ॥ ४८॥

सुकुमाल कोमल तले तेसिं पणमामि लक्खण पसत्थे

पाए पावयणीणं पडिच्छ सयए हि पाणि वइए ॥४९॥

जे अन्ने भगवन्ते कालिय सुय आणु ओगिए धीरे ॥

ते पणमि उण सिरसानाणस्स परूवणा वोच्छं ॥५०॥\*

इति ।

सेलघणं, कुडगं, चालीणि, परिपूणगं, हंसं, महिसं,

मेसेयं, मसर्ग, जल्लुगं, विरोली, जाहंगं, 'गो, 'भेरी,

आभेरी ॥ १ ॥

सा समासओ तिविहा पन्नत्ता तंजहा  
 जाणिआ, अजाणिआ, दुव्विअड्ढा, जाणिआ जहा  
 खीरमिव, जहा हंसा जे घुट्टन्ति इह गुरुगुण समिद्धा  
 दोसे अविवज्जन्ति तं जाणसु जाणिआ परिसा ।  
 अजाणिया जहा जाहोइ पगइ महुरा मिय छावय  
 सीइ कुक्कुडय भुआ । रयणमिव असं ठविआ ।  
 अजाणिआ साभवे परिसा । दुव्विअड्ढा जहा नय  
 कत्थइ निम्माओ नय पुच्छइ परिभवस्स दोसेणं ।  
 वत्थिव्व वायपुण्णे फुट्ठइ गामिल्लय विअड्ढो । नाणं  
 पञ्चविहं पन्नत्तं तं जहा-आभिणि बोहिअ नाणं  
 सुअ नाणं, ओहिनाणं, मणपज्जव नाणं, केवलनाणं  
 तं समासओ दुविहं पन्नत्तं तं जहा पच्चक्खं च परोक्खं  
 च । सेकितं पच्चक्खं । पच्चक्खं दुविहं पन्नत्तं तं जहा  
 इंदिय पच्चक्खं । नोइंदिय पच्चक्खं च । सेकितं इंदिअ  
 पच्चक्खं । इंदिअ पच्चक्खं पञ्चविहं पन्नत्तं तं जहा सो  
 इंदिअ पच्चक्खं । चक्किरकदिअ पच्चक्खं । घाणिदिअ  
 पच्चक्खं । जिग्भिदिअ पच्चक्खं । फासिंदिअ पच्चक्खं ।  
 सेतं इंदिअ पच्चक्खं । सेकितं नो इंदिअ पच्चक्खं ।  
 नोइंदिअ पच्चक्खं तिविहं पन्नत्तं तं जहा-ओहिनाणं

नोइंदिअ पच्चक्खं । मणपज्जवनाणं नोइंदिअ पच्चक्खं ।  
 केवल नाणं नोइंदिअ पच्चक्खं । सेकिंत ओहि-  
 नाण नोइंदिअ पच्चक्खं । ओहिनाण नोइंदिअ  
 पच्चक्खं दुविहं पन्नत्तं तं जहा भवपच्चइअं च  
 खओवसमं च सेकिंतं भवपच्चइयं भवपच्चइयं  
 दुविहं पन्नता तं जहा देवाणय नेरइ आणय । सेकिंतं  
 खओ वसमिअं । खओ वसमिअं दुविहं पन्नत्तं तं  
 जहा मणूसाणय पंचेदिअ तिरिक्ख जोणिआणय ।  
 कोहेऊ खओवसमिअं । खओवसमिअं तयावरणि  
 ज्जाणं । कम्माणं उदिण्णाणं खएणं अणुदिण्णाणं  
 उवसमेणं ओहिनाणं समुपज्जइ । अहवा गुणपडिवन्नस्स  
 अणगारस्स ओहिनाणं समुपज्जइ तं समासओ  
 छव्विहं पन्नत्तं तं जहा—आणुगामिअं, अणाणुगामिअं,  
 वड्ढमाणैयं, हीयमाणैयं, पडिवाइँयं, अप्पडिवाइँयं,  
 सेकिंतं आणुगानिअं ओहिनाणं ? आणुगामिअं  
 ओहिनाणं दुविहं पन्नत्तं तं जहा अंतगयं च मज्झगयं  
 च सेकिंतं अंतगयं । अंतगयं तिविहं पन्नत्तं तं जहा  
 पुर ओ अंतगयं । मग्गओ अंतगयं । पासओ अंतगयं  
 सेकिंतं पुरओ अंतगयं ? पुरओ अंतगयं—से जहा

नामए केइ पुरिसे उक्कंवा चडुलिअं वा अलायं वा  
 मणिं वा पइवं वा जोइं वा पुरओ काउं पणुल्ले माणे २  
 गच्छेज्जा । सेतं पुरओ अंतगयं । सेकिंतं मग्गओ  
 १ अंतगयं मग्गओ अंतगयंसे जहा नामए केइ  
 पुरिसे उक्कं वा चडुलिअं वा अलायं वा  
 मणिं वा पइवं वा जोइं वा मग्गओ काउं  
 अणुकड्ढे माणे २ गच्छिज्जा सेतं मग्गओ अंत-  
 गयं । सेकिंतं पासओ अंतगयं । पासओ अंतगयं  
 से जहा नामए केइ पुरिसे उक्कंवा चडुलिअं वा  
 अलाअं वा मणिं वा पइवं वा जोइं वा पासओ काउं  
 परिकड्ढे माणे २ गच्छिज्जा सेतं पासओ अंतगयं  
 सेतं अंतगयं । सेकिंतं मज्झगयं । मज्झगयं से जहा  
 नामए केइ पुरिसे उक्कं वा चडुलियं वा अलायं वा  
 मणिं वा पइवं वा जोइं वा मत्थए काउं समुव्वह  
 माणे २ गच्छिज्जा सेतं मज्झगयं । अंतगयंस्स मज्झ-  
 गयस्स य को पइविसेसो । पुरओ अंतगएणं ओहि-  
 नाणेणं पुरओ चेव संखिज्जाणिवा असंखेज्जाणिवा  
 जोअणाइं जाणइ पासइ । मग्गओ अंतगएणं ओहि-  
 नाणेणं मग्गओ चेव संखिज्जाणि वा असंखेज्जाणि वा

जोअणाइं जाणइ पासइ । पासओ अंतगएणं ओहि-  
नाणेणं पासओ चेव संखिज्जाणि वा असंखेज्जाणि  
वा जोअणाइं जाणइ पासइ । मज्झगएणं ओहिनाणेणं  
सव्वओ समंता संखिज्जाणि वा असंखेज्जाणि वा  
जोअणाइं जाणइ पासइ सेतं आणुगामिअं ओहि-  
नाणं । सेकिंतं अणाणुगामिअं ओहिनाणं । अणाणु-  
गामिअं ओहिनाणं से जइहा नामए केइ पुरिसे एगं  
महंतं जोइद्वाणं काउं तस्सेव जोइद्वाणस्स परिपेरं  
तेहिरं परिघोले माणे २ तमेव जोइद्वाणं पासइ अन्न-  
त्थगए न जाणइ न पासेइ एवामेव अणाणुगामिअं  
ओहिनाणं जत्थेव समुप्पज्जेइ तत्थेव संखिज्जाणिवा  
असंखेज्जाणिवा संबद्धाणिवा असंबद्धाणिवा जो  
अणाइं जाणइ पासइ अन्नत्थे गए न जाणइ न पासइ  
सेतं अणाणुगामिअं ओहिनाणं । सेकिंतं वड्ढमाणयं  
ओहिनाणं । वड्ढमाणयं ओहिनाणं पसत्थेसु अज्झ-  
वसाणट्टाणेषु वड्ढमाणस्स वड्ढमाण चरित्तस्स ।  
विसुज्झमाणस्स विसुज्झमाण चरित्तस्स । सव्वओ  
समंता ओहिनाणं वड्ढइ—

जावइआ तिसमयाहारगस्स सुहुमस्स पणगजीवस्स॥  
ओगाहणा जहन्ना ओहीखित्तं जइन्नं तु ॥ १ ॥

सव्व बहु अग्गणि जीवा निरंतरं जत्तिथं भरिज्जंसु ॥  
 खित्तं सव्वदिसांग परमोही खेत्तनिहिट्ठे ॥ २ ॥  
 अंगुलमावलियाणं भाग मसंखिज्ज दोसु संखिज्जा ॥  
 अंगुलमावलिअंतो आवलिआ अंगुल पुहुत्तं ॥ ३ ॥  
 इत्थंमि सुहुत्तंतो, दिवसंतो गाउअमि बोद्धव्वो ॥  
 जोयण दिवसपुहुत्तं, पक्खंतो पन्नवीसाओ ॥ ४ ॥  
 भरहंमि अद्धमासो, जम्बुदीवंमि साहिओ मासो ॥  
 वासं च मणुअ लोए, वासपुहुत्तं च रुअगंमि ॥ ५ ॥  
 संखिज्जंमिउकाले, दीव समुदाऽविहुंति संखिज्जा ॥  
 कालंमि असंखेज्जा, दीवसमुदाउ भइअव्वा ॥ ६ ॥  
 काले चउण्हवुड्ढी, कालो भइअव्व खित्तं वुड्ढीए ॥  
 वुड्ढीए दव्वपज्जव, भइअव्व खित्तं कालाउ ॥ ७ ॥  
 सुहुमोअ होइ कालो, तत्तो सुहुमयरं हवइ खित्तं ॥  
 अंगुल सेट्ठि मित्ते, ओसप्पिणि ओ असंखिज्जा ॥ ८ ॥  
 सेत्तं वड्ढमाणयं ओहिनाणं । सेकिंतं हीयमाणयं  
 ओहिनाणं । हीयमाणयं ओहिनाणं अप्पसत्थेहिं  
 अज्झवसाणट्ठाणेहिं वड्ढमाणस्स वड्ढमाणचरित्तस्स  
 संकिलिस्स माणस्स संकिलिस्समाणचरित्तस्स सव्व-  
 ओ समन्ता ओहि परिहायइ सेत्तं हीयमाणयं ओहि-

नाणं । सेकिंतं पडिवाइ ओहिनाणं । पडिवाइ ओहि-  
 नाणं जहनेणं अंगुलस्स असंखेज्जय भागं वा । संखिज्ज  
 भागं वा । बालगं वा । बालग पुहुत्तं वा । लिक्खं वा  
 लिक्खपुहुत्तं वा जूअं वा जूअपुहुत्तं वा जवं वा जव पुहु-  
 त्तं वा । अंगुलं वा अंगुलपुहुत्तं वा । पायं वा पायपुहुत्तं  
 वा । विहत्थिं वा विहत्थिं पहुतं वा । रयणिं वा रयणि  
 पहुतं वा । कुच्छिं वा कुच्छिपुहुत्तं वा । धणं वा धण-  
 पहुत्तं वा । गाउ वा गाउपुहुत्तं वा । जोअणं वा जोअणं-  
 पुहुत्तं वा । जो अणसयं वा जो अणसय पुहुत्तं वा ।  
 जो अण महस्स वा जो अणसहस्स पुहुत्तं वा । जो  
 अणलक्खं वा जो अणलक्ख पुहुत्तं वा । जो अण-  
 कोडिं वा जो अणकोडि पुहुत्तं वा । जो अणकोडा-  
 कोडं वा जो अणकोडाकोड पुहुत्तं वा । जो अणसंखि-  
 ज्जं वा जो अणसंखिज्ज पुहुत्तं वा । जो अण असंखेज्जं  
 वा जो अणअसंखेज्ज पुहुत्तं वा । उक्कासेणं लोगं वा पासि  
 त्ताणं पडिवइज्जा । सेतं पडिवाइ ओहिनाणं । सेकिंतं  
 अपडिवाइ ओहिनाणं । अपडिवाइ ओहिनाणं जेणं  
 अलोगस्स एगमवि आगस पएसं जाणइ पासइ  
 तेणपरं अपडिवाइ ओहिनाणं । सेतं अपडिवाइ

ओहिनाणं । तं समासओ चउव्विहं पन्नतं तं जहा  
दव्वओ । खित्तओ । कालओ । भावओ । तत्थ दव्व  
ओणं ओहिनाणी जहन्नेणं अणंताइं रुविदव्वाइं  
जाणइ पासइ उकोसेणं सव्वाइं रुविदव्वाइं जाणइ  
पासइ । खित्तओणं ओहिनाणी जहन्नेणं अंगुलस्स  
असंखेज्जइ भागं जाणइ पासइ उकोसेणं असंखि-  
जाइं अलोगे लोगप्पमाण मित्ताइं खंडाइं जाणाइ  
पासाइ । कालओणं ओहिनाणी जहन्नेणं आवलि-  
आए असंखिज्जइ भागं कालं जाणइ पासइ उकोसेणं  
असंखिज्जाओ उस्सप्पिणीओ अवसप्पिणीओ अईय  
मणागयं च कालं जाणइ पासइ । भावओणं ओहि-  
नाणी जहन्नेणं अणंते भावे जाणइ पासइ उकोसेणं  
अणंते भावे जाणइ पासइ सव्व भावाण मणंत भागं  
भावे जाणइ पासइ सेत्तं ओहिनाणं । सेकिंते मण-  
पज्जवनाणं । मणपज्जवनाणेणं भंते किं मणुस्साणं  
उप्पज्जइ अमणुस्साणं उप्पज्जइ । गोयमा । मणुस्साणं  
उप्पज्जइ नो अमणुस्साणं० । जइमणुस्साणं उप्पज्जइ  
किं संमुच्छिम मणुस्साणं० गब्भवकंति मणुस्साणं  
उप्पज्जइ । गो० । नोसमुच्छ० गब्भवकंतिय० जइ

गन्भवकृतियमणुस्साणं० किं कम्मभूमिअ गन्भव-  
 कृतिय मणुस्साणं० अकम्मभूमिय गन्भवकृतिय  
 मणुस्साणं० अन्तरदीवगन्भव कृतिय मणुस्साणं०  
 उप्पज्जइ । गोयमा । कम्मभूमि गन्भवकृतिय मणु-  
 स्साणं० नो अकम्मभूमिय गन्भवकृतिय मणुस्साणं०  
 नो अन्तरदीवग गन्भव कृतिय मणुस्साणं उप्पज्जइ ।  
 जइ कम्मभूमिय गन्भवकृतिय मणुस्साणं० किं  
 संखिज्ज वासाउय कम्मभूमि गन्भवकृतिय मणुस्साणं  
 असंखिज्ज वासाउय कम्मभूमि गन्भवकृतिय मणु-  
 स्साणं० । गोयमा । संखिज्ज वासाउय कम्मभूमि  
 गन्भवकृतिय मणुस्साणं० नो असंखिज्ज वासाउय  
 कम्मभूमि गन्भवकृतिय मणुस्साणं उप्पज्जइ । जइ  
 संखिज्ज वासाउय कम्मभूमि गन्भवकृतिय मणु-  
 स्साणं० किं पज्जत्तग संखिज्ज वासाउय कम्मभूमि  
 गन्भवकृतिय मणुस्साणं० अपज्जत्तग संखिज्ज  
 वासाउय कम्मभूमिगन्भव कृतिय मणुस्साणं० ।  
 गोयमा । पज्जत्तग संखिज्ज वासाउय कम्मभूमिय  
 गन्भवकृतिय मणुस्साणं उप्पज्जइ नो अपज्जत्तग  
 संखिज्ज वासाउय कम्मभूमिय गन्भवकृतिय

मणुस्साणं० । जइ पज्जत्तग संखिज्ज वासाउय कम्म-  
भूमिय गब्भवक्कंतिय मणुस्साणं० किं सम्मदिट्ठि  
पज्जत्तग संखिज्ज वासाउय कम्मभूमिय गब्भवक्कं-  
तिय मणुस्साणं मिच्छदिट्ठि पज्जत्तग संखिज्ज वासा-  
उय कम्मभूमिय गब्भवक्कंतिय मणुस्साणं० सम्म  
मिच्छदिट्ठि पज्जत्तग संखिज्ज वासाउय कम्मभूमिय  
गब्भवक्कंतिय मणुस्साणं० ।

गोयमा सम्मदिट्ठि पज्जत्तग संखिज्जवासाउय कम्म  
भूमिय गब्भवक्कंतिय मणुस्साणं उप्पज्जइ नो मिच्छ  
दिट्ठि पज्जत्तग संखिज्ज वासाउय कम्मभूमिय गब्भ  
वक्कंतिय मणुस्साणं० नो सम्ममिच्छदिट्ठि पज्जत्तग  
संखिज्ज वासाउय कम्मभूमिय गब्भवक्कंतिय मणु-  
स्साणं० । जइ सम्मदिट्ठि पज्जत्तग संखिज्ज वासाउय  
कम्मभूमिय गब्भवक्कंतिय मणुस्साणं० किं संजय  
सम्मदिट्ठि पज्जत्तग संखिज्ज वासाउय कम्मभूमिय  
गब्भवक्कंतिय मणुस्साणं० असंजय सम्मदिट्ठि पज्ज-  
त्तग संखिज्ज वासाउय कम्मभूमिय गब्भवक्कंतिय  
मणुस्साणं० । संजया संजय सम्मदिट्ठि पज्जत्तग  
संखिज्ज वासाउय कम्मभूमिय गब्भवक्कंतिय मणु-  
स्साणं० । गोयमा संजय सम्मदिट्ठि पज्जत्तग संखिज्ज

वासाउय कम्मभूमिय गम्भवकंतिय मणुस्साणं०  
 नो असंजय सम्मदिट्ठि पज्जत्तग संखिज्ज वासाउय  
 कम्मभूमिय गम्भवकंतिय मणुस्साणं० नो संजयासं-  
 जय सम्मदिट्ठि पज्जत्तग संखिज्जवासाउय कम्म-  
 भूमिय गम्भवकंतिय मणुस्साणं० । जइ संजय  
 सम्मदिट्ठि पज्जत्तग संखिज्ज वासाउय कम्मभूमिय  
 गम्भवकंतिय मणुस्साणं० किं पमत्त संजय सम्मदिट्ठि  
 पज्जत्तग संखिज्ज वासाउय कम्मभूमिय गम्भवकं-  
 तिय मणुस्साणं० अपमत्त संजय सम्मदिट्ठि पज्जत्तग  
 संखिज्ज वासाउय कम्मभूमिय गम्भवकंतिय मणु-  
 स्साणं० । गोयमा नो पमत्त संजय सम्मदिट्ठि पज्जत्तग  
 संखिज्ज वासाउय कम्मभूमिय गम्भवकंतिय मणु-  
 स्साणं० अपमत्त संजय सम्मदिट्ठि पज्जत्तग संखिज्ज  
 वासाउय कम्मभूमिय गम्भवकंतिय मणुस्साणं  
 उप्पज्जइ । जइ अपमत्त संजय सम्मदिट्ठि पज्जत्तग  
 संखिज्ज वासाउय कम्मभूमिय गम्भवकंतिय  
 मणुस्साणं० । किं इड्ढीपत्त अपमत्त संजय सम्म-  
 दिट्ठि पज्जत्तग संखिज्ज वासाउय कम्मभूमिय गम्भ-  
 वकंतिय मणुस्साणं० अणिड्ढीपत्त अपमत्त संजय  
 सम्मदिट्ठि पज्जत्तग संखिज्ज वासाउय कम्मभूमिय

भवकंतिय मणुस्साणं० ।

गोयमा इड्ढीपत्त अपमत्त ~~सेज्जम संसमदिदि~~

पज्जत्तग संखिज्ज वासाउय कम्मभूमिय गवभवकंतिय  
मणुस्साणं० उप्पज्जइ नो अणिइड्ढीपत्त अपमत्त स जय  
सम्मदिदि पज्जत्तग संखिज्ज वासाउय कम्मभू-  
मिय गवभवकंतिय मणुस्साणं ।

मणपज्जव नाणं समुप्पज्जइ तं चटुविहं उप्पज्जइ  
तं जहा उज्जुमई च विउलमई च तं समासओ  
चउव्विहं पन्नत्तं तं जहा-दव्वओ । खित्तओ ।  
कालओ । भावओ । तत्थ दव्वओणं उज्जुमईणं  
अणंते अणंत पएसिए खंवे जाणइ पासइ तं चेव  
विउलमई अब्भहिय तराए विउलतराए विसुद्धतराए  
वितिमिरतराए जाणइ पासइ । खित्तओणं उज्जुमई  
अजहन्नेणं अंगुलस्स असंखिज्जय भागं उक्कोसेणं अहे  
जावइमीसे रयणप्पभाए पुढवीए उवरिम हेट्टिल्ले  
खुड्ढग पयरे उड्ढं जाव जोइसस्स उवरिमतले  
तिरियं जाव अन्तो मणुस्स खित्ते अड्ढाइज्जेसु  
दीवससुदेसु पन्नरस्स कम्मभूमिसु तीसाए अत्तम्म-  
भूमिसु छपन्नाए अन्तरदीवगेसु सन्निरंवेदिआणं  
पज्जत्तगाणं मणोगए भावे जाणइ पासइ तं चेव

विउलमई अइदइजेहि मंगुलेहि अब्भहि अतरं  
 विउलतरं विमुद्धतरं वितिमिरतरं खित्तं जाणइ  
 पासइ । कालओणं उज्जुमई जहन्नेणं पलिओवमस्स  
 असंखिज्जइ भागं उकोसेणं पलिओवमस्स असंखि-  
 ज्जइ भागं अइय मणागयंवा कालं जाणइ पासइ तं  
 चेव विउलमई अब्भहियतरागं विउलतरागं विमुद्ध-  
 तरागं वितिमिरतरागं जाणइ पासइ । भावओणं  
 उज्जुमई जहन्नेणं अणंते भावे जाणइ पासइ उको-  
 सेणं अणंते भावे जाणइ पासइ सव्व भावाणं  
 अणंत भागं भावं जाणइ पासइ । तं चेव विउलमई  
 अब्भहियतरागं विउलतरागं विमुद्धतरागं वितिमिर  
 तरागं भावं जाणइ पासइ ॥ मणपज्जवनाणं पुण  
 जणमण परिचिं तिअत्थ पागडणं । माणुसखित्तं  
 निबद्धं । गुण पच्चइअं चरित्तवओ ॥ १ ॥ सेत्तं  
 मणपज्जवनाणं ।

सेकितं केवलनाणं । केवलनाणं दुविहं पन्नतं  
 तं जहा भवत्थ केवलनाणं च सिद्धत्थ केवलनाणं च ।  
 सेकितं भवत्थ केवलनाणं । भवत्थ केवलनाणं दुविहं  
 पन्नत्तं तं जहा सजोगि भवत्थ केवलनाणं च अजोगि

भवत्थ केवलनाणं च । सेकिंतं सजोगि भवत्थ केवलनाणं ? सजोगि भवत्थ केवलनाणं दुविहं पन्नत्तं तं जहा पढमसमय सजोगि भवत्थ केवलनाणं अपढम समय सजोगि भवत्थ केवलनाणं अहवा चरम समय सजोगि भवत्थ केवलनाणं च अचरम-समय सजोगि भवत्थ केवलनाणं च । सेतं सजोगि भवत्थ केवलनाणं । सेकिंतं अजोगि भवत्थ केवलनाणं । अजोगि भवत्थ केवलनाणं दुविहं पन्नत्तं तं जहा पढम समय अजोगि भवत्थ केवलनाणं च अपढम समय अजोगि भवत्थ केवलनाणं च अहवा चरम समय अजोगि भवत्थ केवलनाणं च अचरम समय अजोगि भवत्थ केवलनाणं च सेतं अजोगि भवत्थ केवलनाणं । सेकिंतं सिद्ध केवलनाणं । सिद्ध केवलनाणं दुविहं पन्नत्तं तं जहा अणत्तर सिद्ध केवलनाणं च परंपर सिद्ध केवलनाणं च । सेकिंतं अणत्तर सिद्ध केवलनाणं । अणत्तर सिद्धकेवलनाणं पन्न-रस्सविहं पन्नत्तं तं जहा—

तित्थसिद्धाँ, अतित्थसिद्धाँ, तित्थयरसिद्धाँ,  
अतित्थयरसिद्धाँ, सयंबुद्धसिद्धाँ, पत्तेयबुद्धसिद्धाँ,

बुद्धबोहियसिद्धाँ, इत्थिलिंगसिद्धाँ, पुरिसलिंगसिद्धाँ,  
 नपुंसगलिंगसिद्धाँ, सलिंगसिद्धाँ, अन्नलिंगसिद्धाँ,  
 गिहिलिंगसिद्धाँ, एगसिद्धाँ, अणेगसिद्धाँ, सेत्तं  
 अणंतरसिद्ध केवलनाणं । सेकितं परंपर सिद्धके-  
 वलनाणं ? परंपरसिद्ध केवलनाणं अणेगविहं पन्नत्तं  
 तं जहा अपढम समयसिद्धा दुसमयसिद्धा तिसमय-  
 सिद्धा जाव दस समयसिद्धा संखिज्ज समयसिद्धा  
 असंखिज्ज समयसिद्धा अणंत समयसिद्धा । सेत्तं  
 परंपर सिद्ध केवलनाणं । सेत्तं सिद्ध केवलनाणं ॥  
 तं समासओ चउव्विहं पन्नत्तं तं जहा-द्व्वओ,  
 खित्तओ, कालओ, भावओ, तत्थ द्व्वओणं केवल-  
 नाणी सव्वद्व्वाहं जाणइ पासइ । खित्तओणं केव-  
 लनाणी सव्वखित्तं जाणइ पासइ । कालओणं केवल-  
 नाणी सव्वकालं जाणइ पासइ । भावओणं केवल-  
 नाणी सव्वंभावं जाणइ पासइ—

अह सव्व द्व्व परिणाम भावविन्नत्ति कारणमणंते  
 सासय मप्पडिवाहं एगविहं केवलनाणं ॥ १ ॥

केवलनाणेणऽत्थे नाउं जेतत्थ पन्न वण जोगे ।

ते भासइ तित्थयरो वइजोगसुअं इवइ सेसं ॥ २ ॥

सेत्तं केवलनाणं सेतं पच्चक्खं नाणं ॥

सेकितं परुक्ख नाणं । परुक्खनाणं दुविहं पन्नत्तं तं  
जहा-आभिणि बोहिअनाणं परुक्खं च । सुअनाण  
परोक्खं च जत्थआभिणि बोहियनाणं तत्थ सुअनाणं ।  
जत्थ सुअनाणं तत्थाभिणि बोहियनाणं । दोऽवि एयाइं  
अन्नमन्नमणुगयाइं तहवि पुण इत्थ आयरिया नान्नत्तं  
पन्नवयंति-आभिनिबुज्झइत्ति आभिणि बोहियनाणं ।  
सुणेइत्ति सुअं मइपुव्वं जेण सुअं नमइ सुअपुव्विआ ।  
अविसेसिआ मइ-मइनाणं च मइ अन्नाणं च विसेसिआ  
सम्मदिट्ठिस्स मइ-मइनाणं । मिच्छदिट्ठिस्स मइ-मइ  
अन्नाणं । अविसेसिअं सुअं-सुअनाणं च सुअ  
अन्नाणं च विसेसिअं सुअं-सम्मदिट्ठिस्स सुअं-सुअ-  
नाणं=मिच्छदिट्ठिस्स सुअं-सुअ अन्नाण ।

सेकितं आभिणी बोहियनाणं । आभिणी  
बोहियनाणं दुविहं पन्नत्तं तं जहा सुयनिस्सियं च  
असुयनिस्सियं च । सेकितं असुयनिस्सियं । असुय  
निस्सियं चउव्विह पन्नत्तं तं जहा ।

उप्पत्तिआ वेणइआ कम्मआ परिणामिआ ॥

बुद्धि चउव्विहा वुत्ता पंचमी नो वल्लभइ ॥ १ ॥

पुव्वं अदिट्ठमस्सु अमवेइय तक्खण विसुद्ध गहिअत्था  
 अव्वाहय फलजोगा बुद्धी उप्पत्ति आ नाम ॥ २ ॥  
 भरहासिलं पणियं रुक्खे खुड्डुंग पडं सरडं कायं उच्चारि ।  
 गर्यं घर्यणं गोले खंभे<sup>१</sup> खुड्डुंग मोग्गित्थि पडं पुत्ते ॥ ३ ॥  
 भरहं सिलं भिंदं कुक्खुडं वालुअं हत्थी<sup>२</sup> अगडं वणसंडे ॥  
 पायसं अइआं पेत्ते खाडहिलो पंचपिअरोअं ॥ ४ ॥  
 मुहुसित्थं मुदि<sup>३</sup> अंके<sup>४</sup> नाणं<sup>५</sup> भिक्खुं चेडगनिहाणे ॥  
 सिखायं अत्थसत्थे इच्छायमहं सयसहंसे ॥ ५ ॥  
 भरनित्थरण समत्थाति वग्गसुत्तत्थ गहिअपे आला ॥  
 उभओ लोग फलवइ विणय समुत्था हवइ बुद्धि ॥ ६ ॥  
 निमित्ते<sup>६</sup> अत्थसत्थयं लेहे<sup>७</sup> गणिअं<sup>८</sup> कूवं अस्सेयं ॥  
 गइभं लक्खणं गंठी<sup>९</sup> अगणं<sup>१०</sup> रहिएयं गणियायं ॥ ७ ॥  
 सीआसाडी दीहं चतणं अव सव्वयं च कुंचस्सं ॥  
 निव्वोदएअं गोणे घोडगपडणं च रुक्खाओ ॥ ८ ॥  
 उव ओगदिट्ठसारा कम्मपसंग परिघोलण विसाजा ॥  
 साहुक्खवार फलवइ कम्म समुत्था हवइ बुद्धि ॥ ९ ॥  
 हेरन्निअं करिसअं कोलियं डोवेयं मुत्तिं घर्यं पवअं ॥  
 तुन्नाअं वड्ढइयं पूयइं घडं चित्तकौरेय ॥ १० ॥  
 अणुमाणहेउ दिट्ठंत साहिआ वयविवग्ग परिणामा ॥  
 हिअनिस्सेअस फलवइ बुद्धी परिणामिआ नाम ॥ ११ ॥

अभएँ सिद्धिं कुमारे देवी उदिओदए हवहरायों  
साहुय नंदिसेणे धणदत्ते सावर्ग अमच्चे ॥१२॥

खमएँ अमच्चपुत्ते चाणव्वे चेव थूल भहेअँ ॥

नासिक सुंदरिनंदे वड्डेरे परिणाम बुद्धोए ॥१३॥

चलणाहणँ आँमंडे मणीयं सप्पेयं खँगि थूँभिंदे ॥

परिणामिय बुद्धोए एवमाई उदाहरणा ॥१४॥

सेत्तं असुअनिससियं । सेकितं सुअनिससियं । सुअ-

निससियं चउव्विहं पन्नत्तं तं जहा-उग्गहे ईहाँ

अवाओ धारणाँ । सेकितं उग्गहे । उग्गहे दुविहं

पन्नत्तं तंजहा-अत्थुग्गहे च वंजणुग्गहे च । सेकितं

वंजणुग्गहे । वंजणुग्गहे चउव्विहे पन्नत्तं तं जहा—

सोइंदि अवंजणुग्गहे घाणोदिय वंजणुग्गहे जिब्भि-

दिय वंजणूग्गहे फासिंदिय वंजणुग्गहे । सेत्तं वंजणु-

ग्गहे । सेकितं अत्थुग्गहे । अथूग्गहे छव्विहं पन्नत्तं

तं जहा-सोइंदिय अत्थुग्गहे । चक्खिंदिय अत्थुग्गहे ।

घाणिंदिय अत्थुग्गहे । जिब्भिदिअ अत्थुग्गहे ।

फासिंदिय अत्थुग्गहे । नोइंदिय अत्थुग्गहे । तस्सणं

इमं एगट्ठिआ नाणाघोसा नाणावंजणा पंचनाम धिज्जा

पन्नत्तं तं जहा-ओगेण्हणयाँ उबधारणयाँ सवणयाँ

अवलंबणयाँ मेहा । सेत्तं उग्गहे । सेकितं ईहा । ईहा

छव्विहं पन्नत्तं तं जहा-सोइंदिय ईहा चक्खिंदिय  
 ईहा घाणिंदिय ईहा जिडिंभदिय ईहा फासिंदिय  
 ईहा नोइंदिय ईहा तस्सणं इमं एगट्ठिआ नाणाघोसा  
 नाणावंजणा पंचनाम धिज्जा पन्नत्ता तं जहा आभो  
 गणयाँ मग्गणयाँ गवेसणयाँ चित्ताँ विमंसाँ सेत्तं  
 इहा । सेकिंतं अवाए । अवाए छव्विहं पन्नत्तं तं  
 जहा-सोइंदिय अवाए चक्खिंदिय अवाए घाणिंदिय  
 अवाए जिडिंभदिय अवाए फासिंदिय अवाए नोइं-  
 दिय अवाए तस्सणं इमं एगट्ठिआ नाणाघोसा नाणावं  
 जणा पंचनाम धिज्जा पन्नत्ता तं जहा आउट्टणयाँ  
 पच्चाउट्टणयाँ अवाएँ बुद्धी विज्ञाणे । सेत्तं अवाए ।  
 सेकिंतं धारणा । धारणा छव्विहं पन्नत्तं तं जहा  
 सोइंदिय धारणा चक्खिंदिय धारणा घाणिंदिय  
 धारणा जिडिंभदिय धारणा फासिंदिय धारणा नो  
 इंदिय धारणा तस्सणं इमं एगट्ठिआ नाणाघोसा  
 नाणावंजणा पंचनाम धिज्जा पन्नत्तं तं जहा धारणा  
 साधारणा ठवणाँ पहुँटा कौट्टे सेत्तं धारणा । उग्गहे  
 एक समयए अन्तो मुहुत्तिआ ईहा । अन्तो मुहुत्तिए  
 अवाए । धारणा संखिज्जं वा कालं असंखिज्जं वा  
 कालं । एवं अट्ठावीस इविहस्स आभिणि बोहिय

नाणस्स वंजणुग्गहस्स परूवणं करिस्सामि । पडिबोहग  
 दिट्ठंतेण । मल्लग दिट्ठंतेणय । सेकिंतं पडिबोहग दिट्ठं-  
 तेणं । पडिबोहग दिट्ठंतेणं सेजहा नामए केइ पुरिसे  
 कंचि पुरिसं सुत्तं पडिबोहिज्जा अमुगा अमुगति  
 तत्थ चो अगे पन्नवगं एवं वयासी किं एग समय  
 पविट्ठा पोग्गला गहण मागच्छंति दुसमय पविट्ठा  
 पोग्गला गहण मागच्छंति तिसमय पविट्ठा पोग्गला  
 गहण मागच्छंति जाव दस समय पविट्ठा पोग्गला  
 गहण मागच्छंति । संखिज्ज समय पविट्ठा पोग्गला  
 गहण मागच्छंति । असंखिज्ज समय पविट्ठा पोग्गला  
 गहण मागच्छंति । एवं वदंतं चो अंग पन्नवए एवं  
 वयासी-नो एग समय पविट्ठा पोग्गला गहण माग-  
 च्छंति नो दु समय पोग्गला गहण मागच्छंति नो ति  
 समय पविट्ठा पोग्गला गहण मागच्छंति जाव नो  
 दससमय पविट्ठा पोग्गला गहण मागच्छंति नो  
 संखिज्ज समय पविट्ठा पोग्गला गहण मागच्छंति ।  
 असंखिज्ज समय पविट्ठा पोग्गला गहण मागच्छंति ।  
 सेत्तं पडिबोहग दिट्ठंतेणं । सेकिंतं मल्लग दिट्ठंतेणं ।  
 मल्लगदिट्ठंतेणं-से जहा नामए केइ पुरिसे आवाग  
 सीसाओ मल्लगं गहाय तत्थेणं उदग बिंदुं पक्खे

विज्जा से नट्टे । अन्नेऽवि पक्खित्ते सेऽवि नट्टे । एवं पीक्ख-  
 प्पमाणेसु पक्खिप्पमाणेसु होहीसे उदग बिंदू जेणंते  
 मल्लगं रावेहि इत्ति होहीसे उदग बिंदू जेणं तं सि  
 मल्लगंसि ठाहिति होहीसे उदगबिंदु जेणंतं मल्लगं भरि  
 हिति होहीसे उदग बिंदू जेणंतं । मल्लगं पवाहे  
 हिति एवामेव पक्खिप्पमाणेहिं पक्खिप्पमाणेहिं  
 अणंतेहिं पोग्गलेहिं जाहे तं वंजणं पूरिअं होइ ताहे-  
 हुंति करेइ । नोचेवणं जाणइ केवि एससदाइ । तओ  
 ईहं पविसइ तओ जाणइ अमुगे एस सदाइ । तओ  
 अवायं पविसइ तओ से उवगयं हवइ । तओणं धारणं  
 पविसइ तओणं धारेइ संखिज्जं वा कालं  
 असंखिज्जं वा कालं । से जहा नामए केइ  
 पुरिसे अव्वत्तं सहं सुणिज्जा तेणं सदोत्ति उग्गहिए  
 नोचेवणं जाणइ के वेस सदाइ । तओ ईहं पविसइ  
 तओ जाणइ अमुगे एस सदे । तओणं अवायं पवि-  
 सइ तओसे उवगयं हवइ । तओ धारणं पविसइ  
 तओणं धारेइ संखिज्जं वा कालं असंखिज्जं वा  
 कालं । से जहा नामए केइ पुरिसे अव्वत्तं रूवं पासे-  
 ज्जा तेणं रूवत्ति उग्गहिए नो चेवणं जाणइ के वेस  
 रूवत्ति । तओ ईहं पविसइ तओ जाणइ अमुगे एस

स्वेत्ति । तओ अवायं पविसइ तओसे उवगयं हवइ ।  
 तओ धारणं पविसइ तओणं धारेइ संखिज्जं वा  
 कालं असंखिज्जं वा कालं । से जहा नामए केई  
 पुरिसे अव्वत्तं गंधं अग्घाइज्जा तेणं गंधेत्ति उग्गहिए  
 नो चेवणं जाणइ केवेस गंधेत्ति । तओ ईहं पविसइ  
 तओ जाणइ अमुगे एस गंधे । तओ अवायं पविसइ  
 तओ से उवगयं हवइ । तओ धारणं पविसइ तओणं  
 धारेइ संखिज्जं वा कालं असंखिज्जं वा कालं ।  
 से जहा नामए केई पुरिसे अव्वत्तं रसं आसा इज्जा  
 तेणं रसोत्ति उग्गहिए नोचेवणं जाणइ केवेस  
 रसोत्ति । तओ ईहं पविसइ तओ जाणइ अमुगे एस  
 रसे । तओ अवायं पविसइ तओ से उवगयं हवइ ।  
 तओ धारणं पविसइ तओणं धारेइ संखिज्जं वा कालं  
 असंखिज्जं वा कालं । से जहा नामए पुरिसे अव्वत्तं  
 फासं पडिसं वेइज्जा । तेणं फासेत्ति उग्गहिए नो  
 चेवेणं जाणइ केवेस फास ओत्ति । तओ ईहं पविसइ  
 तओ जाणइ अमुगे एस फासे । तओ अवायं पविसइ  
 तओसे उवगयं हवइ । तओ धारणं पविसइ तओणं  
 धारेइ संखिज्जं वा कालं असंखिज्जं वा कालं । से जहा  
 नामए केई पुरिसे अव्वत्तं सुमिणं पासिज्जा । तेणं

सुमिपोत्ति उग्गहिए नोचेवणं जाणइ केवेस सुमि-  
 णोत्ति । तओ ईहं पविसइ तओ जाणइ असुगे एस  
 सुमिणे । तओ अवायं पविसइ तओसे उवगयं हवइ ।  
 तओ धारणं पविसइ तओ धारेइ संखिज्जं वा कालं  
 असंखिज्जं वा कालं । सेतं मल्लग दिट्ठेणं । तं समा-  
 सओ चउव्विहं पन्नतं तं जहा-दव्वओ, खित्तओ,  
 कालओ, भावओ । तत्थ दव्वओणं, आभिणि  
 बोहिय नाणी आएसेणं सव्वाइं दव्वाइं जाणइ न  
 पासइ । खेत्ताओणं आभिणि बोहिय नाणी आएसेणं  
 सव्वं खेतं जाणइ न पासइ । कालओणं आभिणि  
 बोहियनाणी आएसेणं सव्वं कालं जाणइ न पासइ ।  
 भावओणं आभिणि बोहिय नाणी आएसेणं सव्वे  
 भावे जाणइ न पासइ ॥

उग्गहई हाऽवाओ य धारणा एव हुंत्ति चत्तारि  
 आभिणि बोहिय नाणस्स भेयवत्थू समासेणं ॥ १ ॥

अत्थाणं उग्गहणांमि उग्गहे, तह विआलणे ईहा ॥

वयसायंमि अवाओ, धरणं पुण धारणं भित्ति ॥ २ ॥

उग्गह एकं समयं, ईहा वाया मुहुत्त मद्धंतु ॥

कालमसंखं संखं च, धारणा होइ नायव्वा ॥ ३ ॥

पुटं सुणेइ सडं, रुवं पुण पासइ अपुटंतु ॥

गंधं रसं च फासं च, बडपुटं वियागरे ॥ ४ ॥

भासा समसेढीओ, सहं जंसुणइ मीसियं सुणइ ॥

वीसेढी पुण सडं, सुणइ नियमा पराघाए ॥ ५ ॥

ईहा अपोह वीमंसा, मग्गणा र गवेसणा ।

सत्ता सई मई पत्ता, सव्वं आभिणि बोहि अं ॥ ६ ॥

सेत्त आभिणि बोहियनाण परोक्खं । (सेत्त महनाणं)

सेकिंतं सुयनाण परोक्खं । सुयनाण परोक्खं  
चोइस्स विहं पन्नतं तं जहा—अक्खरसुयं, अणक्खर-  
सुयं, सन्निसुयं, असन्निसुयं, सम्मसुयं, मिच्छसुयं,  
साइ अंसुयं, अणाइ अंसुयं, सपज्ज वसिअंसुयं,  
अपज्ज वसिअंसुयं, गमिअंसुयं, अगमियंसुयं, अंग-  
पविट्सुयं, अणंगपविट्सुयं । सेकिंतं अक्खरसुयं ।  
अक्खरसुयं तिविहं पन्नतं तं जहा । सन्नक्खरं वंजण  
क्खरं लद्धिअक्खरं । सेकिंतं सन्नक्खरं । सन्नक्खरं  
अक्खरस्स सद्वाणगइ । सेत्तं सन्नक्खरं । सेकिंतं  
वंजणक्खरं । वंजणक्खरं अक्खरस्स वंजणाभिलावो  
सेत्तं वंजणक्खरं । सेकिंतं लद्धि अक्खरं । लद्धि  
अक्खरं अक्खर लद्धियस्स लद्धि अक्खरं समुप्पज्जइ

तजहा सो इंदिय लछि अक्खरं चक्खिदिय लछि  
 अक्खरं घाणिदिय लछि अक्खरं जिब्भदिय लछि  
 अक्खरं फासिदिय लछि अक्खरं नो इंदिय लछि  
 अक्खरं । सेत्तं अक्खरसुयं । सेक्कितं अणक्खरसुयं ।  
 अणक्खरसुयं अणेगविहं पन्नत्तं तं जहा—

उसामियं नीससीयं निच्छुद्धं खामियंच छी अंच ।

निस्सिंधि अमणुसारं अणक्खरं छैलि आइअं ॥ १ ॥

सेत्तं अणक्खरसुयं । सेक्कितं सन्निसुयं । सन्निसुयं  
 तिविहं पन्नत्तं तं जहा-कालि ओवए सेणं दिट्ठि वा  
 ओवए सेणं । सेक्कितं कालि ओवए सेणं जस्सणं  
 अत्थि ईहा अवोहो मग्गणा गवेसणा चिंता विमंसा  
 सेणं सन्नीति लब्भइ जस्सणं नत्थि ईहा अवोहो मग्ग-  
 गवेसणा चिंता विमंसा सेणं असन्नीति लब्भइ ।  
 सेत्तं कालिओ वएसेणं । सेक्कितं हे उवएसेणं । हे  
 उवएसेणं जस्सणं अत्थि अभिसंधारण पुव्विआ  
 करणसत्ती सेणं सन्नीति लब्भइ । जस्सणं नत्थि  
 अभिसंधारण पुव्विआ करणसत्तीसेणं असन्नीति  
 लब्भइ । सेत्तं हे उवएसेणं । सेक्कितं दिट्ठिवा  
 ओवएसेणं । दिट्ठिवाओ वएसेणं सन्निसुयस्स

खओवसमेणं सन्नी लब्भइ । असन्नि सुयस्स खओ-  
 वसमेणं असन्नि लब्भइ सेत्तं दिट्ठिवाओ वएसेणं ।  
 सेत्तं सन्निसुयं । सेत्तं असन्निसुयं । सेकितं सम्मसुयं ।  
 सम्मसुयं जं इमं अरहंतेहिं भगवंतेहिं उपन्नाना  
 दंसण धरेहिं तेलुक निरिक्खिअ महिय पूइएहिं तीय  
 पडुप्पन्नं मणागय जाणएहिं सव्वन्नूहिं सव्व दरिसीहिं  
 पणीअं दुवालसंगं गणिपिडगं तं जहा-आर्यारो,  
 सूयगंडो, ठाणं, समवोओ, विवाहपन्नति, नायाध-  
 म्मकर्हाओ, उवामगदसाओ, अंतगडदसाओ, अणु-  
 त्तरो ववाईदसाओ, पण्हावागरणांइ, विवागसुयं,  
 दिट्ठिवोओ । इच्चेअं दुवाल संगं गणिपिडगं चोइस  
 पुव्विस्स सम्मसुयं अभिन्न दसपुव्विस्स सम्मसुयं तेणं  
 परं भिन्नेसु भयणा । सेत्तं सम्मसुयं । सेकितं मिच्छा-  
 सुयं मिच्छासुयं जं इमं अन्नाणि एहिं मिच्छादिट्ठि एहिं  
 सच्छंद बुद्धिमइ विगाप्पिअं तं जहा भारहं, रामायणं,  
 भीमासुरुक्खं, कोडिल्लयं, सगड भदिआओ, खोड-  
 सुहं, कप्पासियं, नागसुद्धुमं, कणगसत्तरी, वइसेसिअं,  
 बुद्धवयणं, तेरासियं, काविलियं, लोगाययं, सट्ठितं तं,  
 माढरं, पुराणं, वागरणं, भागवं, पायंजली, पुस्सदेवयं,  
 लेहं गणियं, सउणक्षं, नाडयाइं, अहवा बावत्तरि

कलाओ, चत्तारिअ वेआ संगोवंगा एआइं मिच्छ-  
 दिट्ठिस्स मिच्छत्त परिग्गहि आइं मिच्छासुयं एयाइं  
 चेव सम्मदिट्ठिस्स सम्मत्तपरिग्गहि आइं सम्मसुयं  
 अहवा मिच्छदिट्ठिस्सवि एयाइं चेव सम्मसुयं कम्हा ।  
 सम्मत्त हे उत्तणओ जम्हाते मिच्छदिट्ठिआ तेहिं  
 चेव समएहिं चोइआ समाणा केइ सपक्खदिट्ठिआं  
 चयंति सेत्तं मिच्छासुयं । सेकिंतं साइअं सपज्जवसिअं  
 अणाइअं अपज्जवसियं सुयं । साइअं सपज्जवसिअं  
 अणाइअं अपज्जवसिअं सुय-इच्चइयं दुवालसंगं  
 गणिपिडगं वुच्छित्ति नयट्ठयाए साइअं सपज्जवसिअं  
 अवुच्छित्ति नयट्ठयाए अणाइअ अपज्जवसिअं० तं  
 समासओ चउव्विहं पन्नतं तं जहा-दव्वओ ।  
 खित्तओ । कालओ । भावओ । तत्थ दव्वओणं  
 सम्मसुयं एगं पुरिसे पडुच्च साइअं सपज्जवसियं  
 बहवे पुरिसेय पडुच्च अणाइयं अपज्जवसिअं । खेत्त-  
 ओणं पंचभरहाइं पंचेखयाइं पडुच्च साइअं सपज्जव-  
 सिअं पंचमहाविदेहाइं पडुच्च अणाइअं अपज्जवसिअं ।  
 कालओणं उहसप्पिणिं ओसप्पिणिं च पडुच्च साइअं  
 सपज्जवसिअं नो उहसप्पिणिं नो ओसप्पिणिं च  
 पडुच्च अणाइअं अपज्जवसिअं । भावओणं जे जया

जिणपन्नत्ता भावा आधविज्जंति पन्नविज्जंति पख्वि-  
 ज्जंति दंसिज्जंति निदंसिज्जंति उवदंसिज्जंति तथाभावे  
 पडुच्च साइअं सपज्जवसिअं खाओवसमिअं पुणभावं  
 पडुच्च अणाइअं अपज्जवसिअं । अहपा भवसिद्धियस्स-  
 सुयं साइअं सपज्जवसियं च अभवसिद्धियस्स सुयं  
 अणाइअं अपज्जवसियं च सव्वागास पएसगं  
 सव्वागास पएसेहिं अणंनगुणिअं पज्जवक्खरं निष्फ-  
 ज्जइ । सव्व जीवाणं पिअणं अक्खरस्स अणंतभागो  
 निच्चुग्घाडिओ । जइ पुण सोऽवि आवरिज्जा तेणं  
 जीवो अजीवत्तं पाविज्जा । सुट्ठु विमेह समुदए होइ  
 पभा चंदसूराणं । सेत्तं साइअं सपज्जवसिअं सेत्तं  
 साइअं सपज्जवसिअं सेत्तं अणाइअं अपज्जवसिअं  
 सुयं । सेकिंतं गमियं । गमियं दिट्ठिवाओ अगमियं  
 कालिअं सुयं । सेत्तं गमियं । सेत्तं अगमियं । अहवा  
 तं समासओ दुविहं पन्नत्तं तं जहा-अंगपविट्ठं ।  
 अंगबाहिरं । च । सेकिंतं अंगबाहिरं । अंगबाहिरं  
 दुविहं पन्नत्तं तं जहा आवस्सअं च आवस्सय वहरित्तं  
 च । सेकिंतं आवस्सयं । आवस्सयं छव्विहं पन्नत्तं तं  
 जहा-सामाइअं, चउविसत्थओ, वंदणय, पडिक्कमणं,  
 काउस्सगो, पच्चक्खणं । सेत्तं आवस्सयं । सेकिंतं

आवस्सयं वहरित्तं । आवस्सय वहरित्तं दुविहं पन्नत्तं  
 तं जहा-कालिअं च । उक्कालियं च । सेक्कितं उक्कालियं ।  
 उक्कालियं अणेगविहं पन्नत्तं तं जहा-दसवेअलियं,  
 कप्पिआकप्पियं, चुल्लकप्पसुयं, महाकप्पसुयं, उववाँ-  
 इयं, रायपसेणियं, जीवाँभिगमो, पन्नवर्णा, महापन्न-  
 वणा, पमायप्पमायं, नंदा<sup>१</sup>, अणुओगँदारायं, देविं-  
 दत्थँओ, तंदुलवेअलियं, चंदाविज्झयं, सूरपन्नत्ती,  
 पोरिसि मंडँलं, मंडँलपवेसो, विज्जाचरणविणिच्छँओ,  
 गणिविज्जा, ज्झाणविभँत्ती, मरणविभँत्ती आयँविसोहा  
 वियरगसुँयं, संलेहणासुँयं, विहारकँप्पो, चैरणविही,  
 आउरपच्चक्खँवाणं, महापच्चक्खँवाणं, एव माइ सेत्तं उक्का-  
 लियं सेक्कितं कालियं । कालियं अणेगविहं पन्नत्तं तं  
 जहा-उत्तरज्झयणाइं, देसाओ, कँप्पो, वैवहारो,  
 निँसीहं, महानिँसीहं, इसी भासिँआइं, जंबूदीवर्पन्नत्ती  
 चंदपन्नत्ती, दीवसागरपन्नत्ती, खुड्ढिआ विमाण पवि-  
 भँत्ती, महल्लिआ विमाण पविभँत्ती, अंग चुलिँआ,  
 वग्ग चुलिँआ, विवाह चुलिँआ, अरुणो ववँए, वरुणो  
 ववँए, गरुलो ववँए, धरणो ववँए, वेसमणो ववँए,  
 वेलंधरो ववँए, देविंदो ववँए, उट्ठाणसुँए, समुट्ठाण-  
 सुँए, नागपरि आवलिँआणं, निरयावलिँआणं, कप्पि-

आणं, कप्पवडिंसिआणं, पुप्फिआणं पुप्फचूलिआणं,  
 वण्हीयआणं, वण्हीदसाणं, आसीविस भावणाणं,  
 दिट्ठिविस भावणाणं, चारण सुमिण भावणाणं,  
 महासुमिण भावणाणं, ते अग्गिनिसग्गाणं, एव  
 माइयाइं । चउरासीइं । पइन्नग सहस्साइं भगवओ  
 अरहओ उसह सामिस्स आइतित्थयरस्स । तहा  
 संखिज्जाइं पइन्नग सहस्साइं मझि मगाणं जिण-  
 वराणं । चोदस पइन्नग सहस्साणि भगवओ वड-  
 माणसामिस्स अहवा जस्स जत्तिआ सीसा  
 उप्पत्तिआए वेणइआए कम्मयाए पारिणामिआए  
 चउव्विहं बुद्धीए उववेआ तस्स तत्तिआइं पइन्नग  
 सहस्साइं पत्तेअ बुद्धावि तत्तिआ चेव । सेत्तं कालियं  
 सेत्तं उक्कालियं सुयं । सेत्तं आवस्सयवहरित्तं ।  
 सेत्तं अणंग पविट्ठं सुयं । सेक्कितं अंग पविट्ठं । अंग-  
 पविट्ठं दुवाल सविहं पन्नत्तं तं जहा-आयारो,  
 सयगडो, ठाणं, समवायो, विवाह पन्नत्ती, नाया  
 धम्मकहाओ, उवासगदसाओ, अंतगडदसाओ,  
 अणुत्तर उववाइयदसाओ, पण्हावागरणांइं, विवा-  
 गसुंयं, दिट्ठिवाओ, सेक्कितं आयारे । आयारे  
 समणाणं निग्गंथाणं आयार गोयर विणय वेणइय

सिक्खा भासा अभासा चरण करण जाया माया  
 वित्तीओ आघविज्जंति से समासओ पंचविहं  
 पन्नत्ते तं जहा नाणायारे दंसणायारे चरित्तायारे  
 तवायारे वीरियायारे आयारेणं परित्ता वायणा  
 संखिज्जं अणुओगदारा संखिज्जा वेढा संखिज्जा  
 सिलोगा संखिज्जाओ निज्जुत्तीओ संखिज्जाओ  
 पडिवत्तीओ संखिज्जाओ संगहणीओ सेणं अगट्ठयाए  
 पढूमे अंगे दोसुक्खं धाषणवीसं अज्झणा पंचासीहं  
 उद्देसण काला पंचासीहं समुद्देसण काला अट्टार  
 समय सहस्साणि पयग्गेणं संखिज्जा अक्खरा अणं-  
 तागमा अणंता पज्जवा परित्ता तसा अणंता थावरा  
 सासयकड निबड्ड निकाइआ जिणपन्नत्ता भावा  
 आघविज्जंति पन्नविज्जंति परूविज्जंति दंसिज्जंति  
 निदंसिज्जंति उवदंसिज्जंति से एवं आयासे एवं नायासे  
 एवं विन्नायासे एवं चरण करण परूवणा आघविज्जइ  
 सेत्तं आयारे ॥ १ ॥

सेकिंतं सूयगडे । सूयगडेणं लोए सूइज्जइ अलोए  
 सूइज्जइ लोआलोए सूइज्जइ जीवा सूइज्जइ अजीवा  
 सूइज्जइ जीवाजीवे सूइज्जइ ससमए सूइज्जइ पर-  
 समए सूइज्जइ ससमय परसमए सूइज्जइ सूयगडेणं

असीअस्स किरियावाइसयस्स चउरासीइए अकि-  
रिया वार्हणं सत्तट्ठीए अन्नाणियवार्हणं वत्तीसाए  
वेणइ यवार्हणं तिण्हं ते सट्ठाणं पासंडिअ सयाणं  
वृहंकिच्चा ससमए ठाविज्जइ सूयगडेणं परित्ता वायणा  
संखिज्जा अणुओगदारा संखिज्जा वेढा संखिज्जा  
सिलोगा संखिज्जाओ निज्जुत्तीओ संखिज्जाओ  
पडिवत्तीओ संखिज्जाओ संगहणीओ सेणं अंगट्टयाए  
बिइए अंगे दोसुअक्खंधा तेवीसं अज्झयणा, तित्तीसं  
उद्देसणकाला तित्तीसं समुद्देसणकाला छत्तीसं  
पयसहस्सा णिपयग्गेणं संखिज्जा अक्खरा अणंता-  
गमा अणंता पज्जवा परित्ता तसा अणंता थावरा  
सासयकड निचड निकाइया जिणपन्नत्ता भावा  
आघविज्जंति पन्नविज्जंति परूविज्जंति दंसिज्जंति  
निदंसिज्जंति उवदंसिज्जंति सेएवं आया सेएवं नाया  
सेएवं विन्नाया सेएवं चरण करणपरूवणा आघविज्जइ  
सेत्तं सूयगडे ॥ २ ॥

सेकिंतं ठाणे । ठाणे जीवा ठाविज्जंति अजीवा  
ठाविज्जंति जीवाजीवे ठाविज्जंति ससमए ठाविज्जं-  
ति परसमए ठाविज्जंति ससमए परसमए ठाविज्जं-  
ति लोएठाविज्जंति अलोएठाविज्जंति लोआलोए-

ठाविज्जंति ठाणेणं टंका कूडासेला सिहरिणो पभा  
 कुंडाइं गुहाओ आगरा दहा नईआ आघविज्जंति  
 ठाणेणं परित्ता वायणा संखिज्जा अणुओगदारा  
 संखिज्जा वेढा संखिज्जा सिलोगा संखिज्जाओ  
 निज्जुत्तीओ संखिज्जाओ पडिवत्तीओ संखिज्जाओ  
 संगहणीओ सेणं अंगट्टयाए तइए अंगे एगे सुअक्खं-  
 धे दस अज्झयणा एगवीसं उद्देसण काला एगवीसं  
 समुद्देसण काला बावत्तरि पयसहस्सा पयग्गेणं  
 संखिज्जा अक्खरा अणंता गमा अणंता पज्जवा  
 परित्ता तसा अणंता थावरा सासयकड निबद्ध  
 निकाइआ जिणपन्नता भावा आघविज्जंति पन्नवि-  
 ज्जंति परुविज्जंति दंसिज्जंति निदंसिज्जंति उवदं-  
 सिज्जंति सेएवं आया सेएवं नाया सेएव विन्नाया  
 सेएवं चरण करण परुवणा आघविज्जइ । सेत्त  
 ठाणे ॥ ३ ॥

सेकिंतं समवाए । समवाएणं जीवा समासि-  
 ज्जंति अजीवा समासिज्जंति जीवाजीवा समासि-  
 ज्जंति ससमए समासिज्जंति परसमए समासिज्जं-  
 ति ससमए परसमए समासिज्जंति लोए समा-  
 सिज्जंति अलोए समासिज्जंति लोए अलोए

समासिज्जंति समवाएणं एगइ आणं एगुत्तरिआणं  
 ठाणसय विवडिहआणं भावाणं परूवणा आघ-  
 विज्जइ दुवालसविहस्सय गणिपिडगस्स पल्लवग्गे  
 समासिज्जंति समवायस्सणं परित्ता वायणा  
 संखिज्जा अणुओगदारा संखिज्जा वेढ्हा संखिज्जा  
 सिलोगा संखिज्जाओ निज्जुत्तीओ संखिज्जाओ  
 पडिवत्तीओ संखिज्जाओ संगहणीओ सेणं अंगट्ठ-  
 याए चउत्थे अंगे एगे सुअक्खंधे एगे अज्झयणे एगे  
 उद्देसण काले एगे समुद्देसण काले एगे चोआले पय-  
 सयसहस्से पयग्गेणं संखिज्जा अक्खरा अणतागमा  
 अणता पज्जवा परित्ता तस्सा अणता थावरा सास-  
 यकड निबड्ड निकाइया जिणपन्नत्ता भावा आघवि-  
 ज्जंति पन्नविज्जंति परूविज्जंति दंसिज्जंति निदं-  
 सिज्जंति उवदंसिज्जंति । सेएवं आया सेएवं नाया  
 सेएवं विन्नाया सेएवं चरण करण परूवणा आघवि-  
 ज्जइ । सेत्तं समवाए ॥ ४ ॥

सेकिंतं विवाहे । विवाहेणं जीवा विआहिज्जंति  
 अजीवा विआहिज्जंति जीवाजीवा विआहिज्जंति  
 ससमए विआहिज्जंति परसमए विआहिज्जंति सस-  
 मए परसमए विआहिज्जंति लोए विआहिज्जंति

अलोए विआहिज्जंति लोआलोए विआहिज्जंति  
 विवाहस्सणं परित्ता वायणा संखिज्जा अणुओगदारा  
 संखिज्जा वेढा संखिज्जा सिलोगा संखिज्जाओ  
 निज्जुत्तीओ संखिज्जाओ पडिवत्तीओ संखिज्जाओ  
 संगहणीओ सेणं अंगट्टयाए पंचमे अंगे एगे सुअक्खंधे  
 एगे साइरेगे अज्झण सए दस उद्देसग सहस्साइं दस  
 समुद्देसग सहस्साइं छत्तीसं वागरण सहस्साइं दोल-  
 क्खा अट्ठासीइं पय सहस्साइं पयग्गेणं संखिज्जा  
 अक्खरा अणंतागमा अणंता पज्जवा परित्ता तसा  
 अणंता थावरा सासयकड निबद्ध निकाइया जिण-  
 पन्नता भावा आघविज्जंति पन्नविज्जंति परूविज्जंति  
 दंसिज्जंति निदंसिज्जंति उवदंसिज्जंति सेएवं आया  
 सेएवं नाया सेएवं विनाया मेएवं चरण करण परू-  
 वणा आघविज्जइ । सेत्तं विवाहे ॥ ५ ॥

सेकिंतं नाया धम्म कहाओ । नाया धम्म  
 कहा सुणं नायाणं नगराइं उज्जाणाइं चेइआइं वण-  
 संडाइं समोसरणाइं रायाणो अम्मापियरो धम्मा  
 यरिया धम्म कहाओ इहलोइय परलोइया इड्ढि-  
 सेसा पव्वज्जाओ परिआया सुअपरिग्गहा तवोवहा-  
 णाइं संलेहणाओ भत्त पच्चक्खाणाइं पाओवगमणाइं

देवलोगगमणाइं सुकुल पच्चायाईओ पुणबोहिलाभा  
 अंत किरियाओ आघविज्जंति नाया धम्म कहाणं  
 दस धम्म कहाणं वग्गा तत्थणं एगमेगाए धम्मकहाए  
 पंच पंच अक्खाइआसयाइं एगमेगाए अक्खाइआए  
 पंच पंच उवक्खाइआसयाइं एगमेगाए उवक्खाइ-  
 आए पंच पंच अक्खाइ उवक्खाइआ सयाइं एवमेव  
 सपुव्वावरेणं अदुदुट्ठाओ कहाणगकोडीओ हवंतित्ति  
 समक्खायं नाया धम्मकहाणं परित्ता वायणा  
 संखिज्जा अणुओगदारा संखिज्जा वेढा संखिज्जा  
 सिलोगा संखिज्जाओ निज्जुत्तीओ संखिज्जाओ पडि-  
 वत्तीओ संखिज्जाओ संगहणीओ सेणं अंगट्ठयाए  
 छट्ठे अंगे दो सुअक्खंथे एगूणवीसं अज्झयणा एगू-  
 णवीसं उद्देसण काला एगूणविसं समुद्देसण काला  
 संखिज्जा पयसहस्सा पयग्गेणं संखिज्जा अक्खरा  
 अणंतागमा अणंता पज्जवा परित्ता तसा अणंता  
 थावरा सासयकड निबद्ध निकाइया जिणपन्नत्ता  
 भावा आघविज्जंति पन्नविज्जंति परुविज्जंति दंसिज्जंति  
 निदंसिज्जंति उवदंसिज्जंति सेएवं आया सेएवं  
 नाया सेएवं विन्नाया सेएवं चरण करण परुवणा  
 आघविज्जइ । सेत्तं नाया धम्म कहाओ ॥ ६ ॥

सेकिंतं उवास गदसाओ । उवासगदसासुणं  
 समणोवासयाणं नगराहं उज्जाणाहं चेहआहं वणसं-  
 डाहं समोसरणाहं रायाणो अम्मापियारो धम्माय-  
 रिआ धम्मकहाओ इहलोहअपरलोहआ इड्ढविसेसा  
 भोगपरिच्चाया पव्वज्जाओ परिआया सुअपरिग्गहा  
 तवोवहाणाहं सीलव्वय गुणवेरमण पच्चक्खाण पोसहो  
 ववास पडिवज्जणया पडिमाओ उवसग्गा संलेहणा-  
 ओ भत्तपच्चक्खाणाहं पाओवगमणाहं देवलोगगमणाहं  
 सुकुल पच्चायाहंओ पुणबोहिलाभा अंतकिरियाओ  
 (अ) आघविज्जंति उवासगदसाणं परित्ता वायणा  
 संखिज्जा अणुओगदारा संखिज्जा वेढा संखिज्जा  
 सिलोगा संखिज्जाओ निज्जुत्तीओ संखिज्जाओ  
 पडिवत्तीओ संखिज्जाओ संगहणीओ सेणं अंगट्ठयाए  
 सत्तमे अंगे एगे सुअक्खंधे दस अज्झणा दस उद्देसण  
 काला दस समुद्देसण काला सांखिज्जा पयसहस्सा पय-  
 ग्गेणं संखिज्जा अक्खरा अणंता गमा अणंता पज्जवा  
 परित्ता तसा अणंता थावरा सासयकड निबद्ध नि-  
 काइया जिणपन्नत्ता भावा आघविज्जंति पन्नविज्जंति  
 परूविज्जंति दंसिज्जंति निदंसिज्जंति उवदंसिज्जंति सेएव  
 आया सेएवं नाया सेएवं विन्नाया सेएवं चरण करण  
 परूवणा आघविज्जह । सेत्तं उवासगदसाओ ॥ ७ ॥

सेकितं अंतगड दसाओ । अंतगड दसासुणं  
 अंतगडाणं नगराहं उज्जाणाहं चेइआहं वणसंडाहं  
 समोसरणाहं रायाणो अम्मापियरो धम्मायरिया  
 धम्मकहाओ इहलोइय परलोइया इट्ठिविसेसा भोग-  
 परिच्चाइया पव्वजाओ परिआया सुअपरिग्गहा तवो  
 वहाणाहं संलेइणाओ भत्तपच्चक्खाणाहं पाओ वगम-  
 णाहं अंतकिरियाओ आघविज्जंति अंतगडदसासुणं  
 परित्ता वायणा संखिज्जा अणुओगदारा संखिज्जा  
 वेढा सांखिज्जा मिलोगा संखिज्जाओ निज्जुत्तीओ  
 संखिज्जाओ पडिवत्तीओ संखिज्जाओ संगहणीओ  
 सेणं अंगइयाए अट्टमे अंगे एगे सुअक्खंधे अट्ट वग्गा  
 अट्ट उद्देसण काला अट्ट समुद्देसण काला संखिज्जा  
 पयसहरसा पयग्गेणं संखिज्जा अक्खरा अणंतागमा  
 अणंता पज्जवा परित्ता तसा अणंता थावरा सासय-  
 कड निबद्ध निकाइया जिणपन्नता भावा आघविज्जंति  
 पन्नविज्जंति परूविज्जंति दांसिज्जंति निदांसिज्जंति उवदं-  
 सिज्जंति सेएवं आया सेएवं नाया सेएवं विन्नाया  
 सेएवं चरण करण परूवणा आघविज्जइ । सेत्तं अंत-  
 गडदसाओ ॥ ८ ॥

सेकितं अणुत्तरो ववाइ अदसाओ । अणुत्तरो  
 ववाइ अदसासुणं अणुत्तरो ववाइ आणं नगराहं

उज्जाणाइं चेइआइं वणसंडाणं समोसरणाइं रायाणो  
 अम्मापियरो धम्मायरिया धम्मकहाओ इहलोइय  
 परलोइया इट्ठिविसेसा भोगपरिचाइया पव्वजाओ  
 परिआया सुअपरिग्गहा तवोवहाणाइं पडिमाओ  
 उवसग्गा संलेहणाओ भत्तपच्चक्खाणाइं पाओवगम-  
 णाइं अणुत्तरो ववाइयत्ते उववत्ती सुकुल पच्चायार्इओ  
 पुणबोहिलाभा अंतकिरियाओ आघविज्जंति अणुत्तरो  
 चवाइ अदसासुणं परित्ता वायणा संखिज्जा अणुओ-  
 गदारा संखिज्जा वेढा संखिज्जा सिलोगा संखिज्जाओ  
 निज्जुत्तीओ संखिज्जाओ पडिवत्तीओ संखिज्जाओ  
 संगहणीओ सेगं अंगट्ठयाए नवमे अंगे एगे सुअक्खंधे  
 तिन्नवग्गा तिन्नउद्देसण काला तिन्नसमुद्देसण काला  
 संखिज्जा पयसहस्साइ पयग्गेणं संखिज्जा अक्खरा  
 अणंतागमा अणंता पज्जवा परित्ता तसा अणंता थावरा  
 सासयकड निबद्ध निकाइया जिणपन्नता भावा  
 आघविज्जंति पन्नविज्जंति परूविज्जंति दंसिज्जंति निदं-  
 सिज्जंति उवदंसिज्जंति सेएवं आया सेएवं नाया  
 विनाया सेएवं चरण करण परूवणा आघविज्जइ ।  
 सेत्तं अणुत्तरो ववाइ दसाओ ॥ ९ ॥

सेकिंतं पण्हा वागरणाइं । पण्हा वागरणे सुणं  
 अट्ठुत्तरं पसिगसयं अट्ठुत्तरं अपसिगसयं अट्ठुत्तरं

पसिणापसिणसयं तं जहा-अंगुट्टपसिणाइं बाहुपसि-  
 णाइं अद्दागपसिणाइं अन्नेवि विचिन्ता विज्जाइसया  
 नागसुवन्नेहिं सद्धिं दिव्वा संवाया आघविज्जंति  
 पण्हा वागरणाणं परिन्ता वायणा संखिज्जा अणुओ-  
 गदारा संखिज्जा वेढा संखिज्जा मिलोगा संखिज्जाओ  
 निज्जुत्तीओ संखिज्जाओ संगहणीओ संखिज्जाओ  
 पडिवत्तीओ सेणं अंगट्टयाए दसमे अंगे एगे सुअ-  
 क्खंधे पणयालीसं अज्झयणा पणयालीसं उद्देसण  
 काला पणयालीसं समुद्देसण काला संखिज्जा पय-  
 सहस्साइं पयग्गेणं संखिज्जा अक्खरा अणंतागमा  
 अणंता पज्जवा परिन्ता तसा अणंता थावरा सास-  
 यकड निबद्ध निकाइया जिणपन्नत्ता भावा आघवि-  
 ज्जंति पन्नविज्जंति पखविज्जंति दंसिज्जंति निदंसि-  
 ज्जंति उवदंसिज्जंति सेएव आया सेएवं नाया सेएवं  
 विन्नाया सेएवं चरण करण पखवणा आघविज्जइ ।  
 सेत्तं पण्हा वागराणाइ ॥ १० ॥

सेकिंतं विवाग सुयं । विवाग सुएणं सुकड  
 डुकुडाणं कम्माणं फल विवागे आघविज्जइ तत्थणं  
 दस दूह विवागा दस सुह विवागा । सेकिंतं दुह  
 विवागा दुह विवागे सुणं दुह विवागाणं नगराइं

उज्जाणाइं चेइआइं वणसंडाइं समोसरणाइं रायाणो  
 अम्मापियरे धम्मायरिया धम्मकहाओ इहलोइय  
 परलोइय इडाढिविसेसा निरयगमणाइं संसारभव  
 पंचा दुह परंपराओ दुकुल पचायाईओ दुलह बोहि-  
 अत्तं आघविज्जंति सेत्तं दुह विवागा । सेकितं सुह  
 विवागा । सुह विवागे सुणं सुह विवागाणं नगराइं  
 उज्जाणाइं चेइआइं वणसंडाइं समोसरणाइं रायाणो  
 अम्मापियरो धम्मायरिया धम्मकहाओ इहलोइय  
 परलोइय इडाढिविसेसा भोगपरिचाइया पव्वज्जाओ  
 परिआया सुअपरिगहा तवोवहाणाइं संलेहणाओ  
 भत्तपच्चक्खाणाइं देवलोग गमणाइं सुह परंपराओ  
 सुकुल पचायाईओ पुण बोहिलाभा अंतकिरियाओ  
 आघविज्जंति विवागसुयस्सणं परित्ता वायणा  
 संखिज्जा अणुओगदारा संखिज्जा वेढा संखिज्जा  
 सिलोगा संखिज्जाओ निज्जुत्तीओ संखिज्जा संग-  
 इणीओ संखिज्जाओ पडिवत्तीओ सेणं अंगद्वयाए  
 एकार समे अंगे दो सुअक्खंधे वीसं अज्झयणा  
 वीसं उद्देसण काला वीसं समुद्देसण काला संखिज्जा  
 पय सहस्साइं पयग्गेणं संखिज्जा अक्खरा अणंतागमा  
 अणंता पज्जवा तसा अणंता थावरा सासयकड

निबद्ध निकाइया जिणपन्नत्ता भावा आघविज्जंति  
पन्नविज्जंति परूविज्जंति दंसिज्जंति निदंसिज्जंति उवदं-  
सिज्जंति सेएवं आया मेएवं नाया सेएवं विनाया  
सेएवं चरणकरण परूवणा आघविज्जइ । सेत्तं वि-  
वाग सुयं ॥ ११ ॥

सेकिंतं दिट्ठिवाए । दिट्ठिवाएणं सव्वभाव परू-  
वणा आघविज्जंति से सभासओ पंचविहं पन्नत्तं तं  
जहा परिकम्मं, सूत्ताइं, पुव्वंगए, अणुओगे, चूलियां ।  
सेकिंतं परिकम्मं । परिकम्मं सत्तविहे पन्नत्ते, तं जहा-  
सिद्धसेणिआ परिकम्मं, मणुस्ससेणिआ परिकम्मं,  
पुट्ठसेणिआ परिकम्मं, ओगाढसेणिआ परिकम्मं,  
उवसंपज्जसेणिआ परिकम्मं, विप्पजहसेणिआ  
परिकम्मं, चुआचुअसेणिआ परिकम्मं । सेकिंतं  
सिद्धसेणिआ परिकम्मं । सिद्धसेणिआ परिकम्मं  
चउदसविहे पन्नत्ते तं जहा-माउगापयाइं, एगट्ठिअ-  
पयाइं, अट्ठपयाइं, पाढोआभासपयाइं, केउभूअं,  
रासिब्वडं, एगगुणं, दुगुणं, तिगुणं, केउभूअं, पडिगोहो,  
संसार पडिगोहो, नंदावत्तं, सिद्धावत्तं । सेत्तं सिद्ध-  
सेणिआ परिकम्मं ॥ १ ॥

सेकिंतं मणुस्ससेणिआ परिकम्मं । मणुस्स-  
सेणिआ परिकम्मं चउदस विहे पन्नत्ते तं जहा-  
माउगापयाइं, एगट्ठिअपयाइं, अट्ठपयाइं, पाढो आभा-  
सपयाइं, केउभूअं, रासिब्वडं, एगगुणं, दुगुणं, तिगुणं,

केउभूअं, पडिगर्गहो, संसार पडिगर्गहो, नंदावत्तं,  
मणुस्सावत्तं । सेत्तं मणुस्ससेणिआ परिकम्मे ॥ २ ॥

सेकिंतं पुट्टसेणिआ परिकम्मे । पुट्टसेणिआ  
परिकम्मे एकारस्सविहे पन्नत्ते तं जहा-पाढोआभास  
पयाइं, केउभूअं, रासिबूइं, एगगुणं, दुगुणं, तिगुणं,  
केउभूअं, पडिगर्गहो, संसार पडिगर्गहो, नंदावत्तं,  
पुट्टावत्तं । सेत्तं पुट्टसेणिआ परिकम्मे ॥ ३ ॥

सेकिंतं ओगाढसेणिआ परिकम्मे । ओगाढ-  
सेणिआ परिकम्मे एकारस्सविहे, पन्नत्ते तं जहा-  
पाढोआभासपयाइं, केउभूअं, रासिबूइं, एगगुणं,  
दुगुणं, तिगुणं, केउभूअं, पडिगर्गहो, संसार पडिगर्गहो,  
नंदावत्तं, ओगाढावत्तं । सेत्तं ओगाढसेणिआ  
परिकम्मे ॥ ४ ॥

सेकिंतं उपसंपज्जण सेणिआ परिकम्मे । उप-  
संपज्जण सेणिआ परिकम्मे एकारस्सविहे पन्नत्ते तं  
जहा-पाढोआभासपयाइं, केउभूअं, रासिबूइं, एग-  
गुणं, दुगुणं, तिगुणं, केउभूअं, पडिगर्गहो, संसार  
पडिगर्गहो, नंदावत्तं, उपसंपज्जणावत्तं । सेत्तं उपसं-  
पज्जण सेणिआ परिकम्मे ॥ ५ ॥

सेकिंतं विप्पज्जहण सेणिआ परिकम्मे । विप्प-  
ज्जहण सेणिआ परिकम्मे एकारस्स विहे पन्नत्ते तं  
जहा-पाढोआभासपयाइं, केउभूअं, रासिबूइं,  
एगगुणं, दुगुणं, तिगुणं, केउभूअं, पडिगर्गहो, संसार-

पडिगगहो, नंदावत्तं, विप्पज्जहणावत्तं । सेत्तं विप्प-  
ज्जहण सेणिआ परिकम्मे ॥ ६ ॥

सेकितं चुआचुअ सेणिआ परिकम्मे । चुआचुअ  
सेणिआ परिकम्मे एकारस्सविहे पन्नते तं जहा-पाढो-  
आभासपयाइं, केउभूअं, रासिबैहं, एगगुणं, दुगुणं,  
तिगुणं, केउभूअं, पडिगगहो, संसार पडिगगहो, नंदा-  
वत्तं, चुआचुअवत्तं । सेत्तं चुआचुअ सेणिआ परि-  
कम्मे ॥ ७ ॥

छचउकनइआइं सततेरासियाइं । सेत्तं परि-  
कम्मे ॥ १ ॥

सेकितं सुत्ताइं । सुत्ताइं बावीसं पन्नत्ताइं तं  
जहा-उज्जुसुंयं, परिणयापरिणयं, बहुभंगिअं,  
विजयचरियं, अणत्तरं, परंपरं, मासाणं, संजूइं,  
संभित्तं, आहव्वीयं, सोवत्थिआवत्तं, नंदावत्तं, बहूलं,  
पुट्ठापुट्ठं, विआवत्तं, एवंभूअं, दुयावत्तं, वत्तमाणपयं,  
समभिरूढं, सव्वओमंइं, पस्सांसं, दुप्पडिगगहं ।  
इच्चेइआइं बावीस सुत्ताइं छिन्नच्छेअनइआणि सस-  
मय सुत्तपरिवाडीए इच्चेइआइं बावीस सुत्ताइं अ-  
च्छिन्नच्छेअनइआणि आजीविअसुत्त परिवाडीए ।  
इच्चेइआइं बावीस सुत्ताइं तिगणइयाणि तेरासि-  
असुत्त परिवाडीए । इच्चेइआइं बावीस सुत्ताइं चउ-  
कनइआणि ससमयसुत्त परिवाडीए एवामेव सपु-  
व्वावरेणं अट्ठासीई सुत्ताइं भवन्ताति मक्खायं ।  
सेत्तं सुत्ताइं ॥ २ ॥

सेकितं पुव्वगए । पुव्वगए चउदसविहे पन्नत्ते  
 तं जहा-उप्पायपुव्वं, अग्गाणीयं, वीरियं, अत्थिन-  
 तिप्पवायं, नाणप्पवायं, सच्चप्पवायं, आयप्पवायं,  
 कम्मप्पवायं, पच्चक्खाणप्पवायं, विज्झाणुप्पवायं,  
 अवज्झं, पाणज्झं, किरियाविसालं, लोगबिंदुसारं ।  
 उप्पायपुव्वस्सणं दसवत्थू चत्तारि चूलिआवत्थू  
 पन्नत्ता । अग्गाणीयपुव्वस्सणं चउदसवत्थू दुवालस  
 चूलिआवत्थू पन्नत्ता । वीरिय पुव्वस्सणं अट्ठवत्थू अट्ठ-  
 चूलिआवत्थू पन्नत्ता । अत्थि नत्थि प्पवाय पुव्वस्सणं  
 अट्ठारस वत्थू दस चूलिआ वत्थू पन्नत्ता । नाणप्पवाय  
 पुव्वस्सणं बारस्स वत्थू पन्नत्ता । सच्चप्पवाय पुव्वस्स-  
 णं दोन्निवत्थू पन्नत्ता । आयप्पवाय पुव्वस्सणं सोलस्स-  
 वत्थू पन्नत्ता । कम्मप्पवाय पुव्वस्सणं तीसंवत्थू पन्नत्ता ।  
 पच्चक्खाण पुव्वस्सणं वीसंवत्थू पन्नत्ता । विज्झाणुप्प-  
 वायस्सणं पन्नरस्स वत्थू पन्नत्ता । अवज्झ पुव्वस्सणं  
 बारस्स वत्थू पन्नत्ता । पाणाउ पुव्वस्सणं तेरस्स वत्थू  
 पन्नत्ता किरिया विसाल पुव्वस्सणं तीसं वत्थू पन्नत्ता ।  
 लोगबिंदुसार पुव्वस्सणं पणवीसं वत्थू पन्नत्ता ।  
 दस चोदस अट्ठ अट्ठारसेव बारस दुवे अत्थूणि ।  
 सोलस तीसा वीसा पन्नरस अणुप्पवायंमि ॥ १ ॥  
 बारस इक्कारसमे बारसमे तेरसेव वत्थूणि ।  
 तीसा पुण तेरसमे चउदसमे पन्नविसाओ ॥ २ ॥  
 चत्तारि दुवालस अट्ठचवेदस चेव चूलवत्थूणि ।  
 आइल्लाण चउण्हं सेसाणं चूलिआ नत्थि ॥ ३ ॥

सेत्तं पुव्वगए ॥ ३ ॥ सेकिंतं अणुओगे ।  
 अणुओगे दुविहे पन्नत्ते तं जहा-मूलपढमाणु-  
 ओगे । गंडिआणुओगे । सेकिंतं मूलपढमाणुओगे ।  
 मूलपढमाणुओगेणं अरहंताणं भगवंत्ताणं पुव्वभवा  
 देवगमणइं आउं चवणाइं जम्मणाणि अभिसेआ  
 रायवरसिरीओ पव्वज्जाओ तवाय उग्ग केवल नाणु-  
 प्पयाओ तित्थपवत्तणाणि असीसा गणा गणहरा  
 अज्जयवत्तिणीओ संघस्स चउव्विहस्स जं च परिमाणं  
 जिणमण पज्जव ओहिनाणी सम्मत्त सुअनाणिणोअ  
 वाई अणुत्तरगईअ उत्तरवेउव्विणो अ मुणिणो  
 जत्तिआ सिद्धासिद्धीपहो जह देसिओ जच्चिरं कालं  
 पाओ वगया जे जहिं जत्तिआइं भत्ताइं छेइत्ता  
 अंतगढे मुणिवत्तमे तिमिरओघ विप्पमुक्के मुक्ख  
 सुह मणुत्तरं च पत्ते एवमन्ने एवमाइ भावा मूलपढ  
 माणुओगे कहिआ । सेत्तं मूलपढमाणुओगे । सेकिंतं  
 गंडिआणुओगे । गंडिआणुओगे, कुलगरगंडिआओ,  
 तित्थयर गंडिआओ, चक्कवट्ठिगंडिआओ, दसारगं-  
 डिआओ, बलदेव गंडिआओ, वासुदेव गंडिआओ,  
 गणधर गंडिआओ, भद्दबाहु गंडिआओ, तवोकम्म  
 गंडिआओ, हरिवंस गंडिआओ, उरसप्पिणी गंडि-  
 आओ, ओसप्पिणी गंडिआओ, चित्तंतर गंडिआओ  
 अमरनर तिरिअ निरयगइ गमण विविह परिघट्टणेसु  
 एवमाईआओ गंडिआओ, आवविज्जंति पन्नविज्जंति  
 सेत्तं गंडिआणुओगे । सेत्तं अणूओगे ॥ ४ ॥

सेकितं चूलिआओ । चूलिआओ आइल्लणं  
चउण्हं पुव्वाणं चूलिआ सेसाइं पुव्वाइं अचूलिआइं  
सेत्तं चूलिआओ ॥ ५ ॥

दिट्ठिवायस्स णं परित्ता वायणा संखिज्जा अणु-  
आंगदारा संखिज्जा वेढा संखिज्जा सिलोगा संखि-  
ज्जाओ निज्जुत्तीओ संखिज्जाओ पडिवत्तोओ  
संखिज्जाओ संगहणीओ सेणं अंगट्ठयाए बारसमे  
अंगे एगे सुअक्खंधे चउदस पुव्वाइं संखिज्जावत्थू  
संखिज्जा चूलवत्थू संखिज्जा पाहुडा संखिज्जा पाहुड-  
पाहुडा संखिज्जाओ पाहुडिआओ संखिज्जाओ पाहुड-  
पाहुडिआओ संखिज्जाइं पयसहस्साइं पयग्गेणं  
संखिज्जा अक्खरा अणंतागया अणंतापज्जवा परित्ता  
तसा अणंता थावरा सासयकडनिवद्ध निक्काइया  
जिणपन्नत्ता भावा आघविज्जंति पन्नविज्जंति परूवि-  
ज्जंति दंसिज्जंति निदंसिज्जंति उवदंसिज्जंति भेएवं  
आया सेएवं नाया सेएवं विन्नाया भेएवं चरणकरण  
परूवणा आघविज्जइ । सेत्तं दिट्ठिवाए ॥ १२ ॥

इच्चेइयंमिदुवालसंघे गणिपिडगे अणंताभावा  
अणंताअभावा अणंताहेउ अणंता अहेउ अणंता  
कारणा अणंता अकारणा अणंता जीवा अणंता  
अजीवा अणता भवसिद्धिया अणंता अभवसिद्धिया  
अणंतासिद्धा अणंता असिद्धा पन्नत्ता—

भावमभावा हेउ महेउ कारणप्रकारणे चेव ॥

जीवाजीवा भविअमभविआ सिद्धा असिद्धाय ॥१॥

इच्चेइअं दुवालसंगं गणिपिडगं तीए काले  
अणंता जीवा आणाए विराहिता चाउरंतं संसार  
कंतारं अणुपरिअट्टिसु । इच्चेइअं दुवालसंगं गणिपि-  
डग पडुपन्नकाले परिता जीवा आणाए विराहिता  
चाउरंतं संसार कंतारं अणुपरि अट्टिति । इच्चेइअं  
दुवालसंगं गणिपिडगं अणागए काले अणंता जीवा  
अणाए विराहिता चाउरंतं संसार कंतारं अणुपरि  
अट्टिस्संति । इच्चेइअं दुवालसंगं गणिपिडगं तीए  
काले अणंताजीवा आणाए आराहिता चाउरंतं  
संसार कंतारं वीईवइंसु । इच्चेइअं दुवालसंगं गणि-  
पिडगं पडुपन्नकाले परिता जीवा आणाए आराहिता  
चाउरंतं संसार कंतारं वीईवयंति । इच्चेइअं दुवाल-  
संगं गणिपिडगं अणागए काले अणंता जीवा  
आणाए आराहिता चाउरंतं संसार कंतारं वीई  
वइस्संति । इच्चेइअं दुवालसंगं गणिपिडगं नकया-  
इनासी नकयाइ नभवइ नकयाइ नभविस्सइ भुविं  
च भवइ अभविस्सइअ धुवे निअए सासए अक्खए  
अव्वए अवट्टिए निच्चे से जहा नामए पंचत्थिकाए  
नकयाइ नासी नकयाइ नत्थि नकयाइ नभवि-  
स्सइ भुविं च भवइअ भविस्सइ अ धुवे नियए  
सासए अक्खए अव्वए अवट्टिए निच्चे एवामेव दुवा-  
लसंगे गणिपिडगे नकयाइ नासी नकयाइ नत्थि नक-  
याइ नभविस्सइ भुविं च भवइअ भविस्सइ अ धुवे

निअए सासए अक्खए अव्वए अवट्ठिए निच्चे स्से  
 समासओ चउव्विहं पन्नत्तं तं जहा-दव्वओ । खित्त-  
 ओ । कालओ । भावओ । तत्थ दव्वओणं सुअनाणी  
 उवउत्ते सव्व दव्वाइं जाणइ पासइ । खित्तओणं सु-  
 अनाणी उवउत्ते सव्वं खेत्तं जाणइ पासइ । कालओणं  
 सुअनाणी उवउत्ते सव्वं कालं जाणइ पामइ । भाव-  
 ओणं सुअनाणी उवउत्ते सव्वे भावे जाणइ पासइ ।  
 अक्खरसन्नी सम्मं । साइअं खलु सपज्जवसिअं च ।  
 गमिअं अंगपविट्ठं । सत्तवि एएसपडिवक्खा ॥ १ ॥  
 आगम सत्थग्गहणं । जं बुद्धिगुणेंहिं अट्ठहिं दिट्ठं ।  
 विंति सुअनाण लंभं । तं पुव्व विसारया धीरा ॥ २ ॥  
 सुस्सुमंइ पडिपुच्छंइ । सुणेइं गिण्हइंअ ईहएयोंअवि ।  
 तत्तो अपोहएई । धारेइं करेइ वा सम्मं ॥ ३ ॥  
 मूअं हुंकारं वा बाढक्कार पडिपुच्छविमंसा ।  
 तत्तो पसंग पारायणं च परिनिट्ठ सत्तमाए ॥ ४ ॥  
 सुत्तत्थो खलुपढमोर्बीओ निज्जुत्तिमीसिओ भणिओ ।  
 तइओय निरविसेसो एसविही होइ अणुओगे ॥ ५ ॥  
 सेत्तं अंगपविट्ठं । सेत्तं सुअनाणं । सेत्तं परो-  
 कखनाणं । सेत्तं नंदी सम्मत्ता ॥

॥ इति श्रीनंदीसूत्र मूलपाठः शम् ॥

## जाहेर बे प्रश्नो ।

आ नन्दीसूत्र तेमज बीजी पण प्राचीन पुस्तकोंमां  
स्थिरावलीनी १० गाथाओ जोवामां आवे छे अने  
“आगमोदय” समितिथी छपाएला नन्दीसूत्रमां स्थिरावली  
४६ गाथाओ छे तेमां गाथा १७-१८-३१-३२-४१-  
४२-४९ आ सात गाथाओनो तफावत छे तेने माटे बे  
कारण होवा जोइये कयां तो कोई आचाय नवीन गाथाओ  
बनावी मूल पाठमां वधारो कयों होय, कयां तो श्री आनन्द-  
सागरजी महाराजे आ गाथाओ मूल सूत्रमांथी कहाडी  
नांखी होय । एने माटे पुरतो खुलासो होवो जोइये । कारण  
मूल सूत्रमां न्युनाधिक थवुं ए कांई ओछी वात नथी तेथी  
कोई विद्वान खुलाशो करशे तो अमें तेओनो सविनय आभार  
मानीशुं.

लि०

मुनि ज्ञानसुन्दर.

## ज्ञान वर्गीचेके पुष्पोंको कब सुंधोगे ?

श्री पार्श्वप्रभुके पांचमें पट्ट श्रीमाली, और पोरवाल, वंश  
स्थापन करनेवाले श्रीसंयप्रभसूरीके पट्टपर ओसवंशोत्पन्न करने-  
वाले श्रीमदुपकेश (कमला) गच्छाधिपति श्रीरत्नप्रभसूरीजी  
महाराज स्मरणार्थ श्रीरत्नप्रभाकर ज्ञानपुष्पमालाके पुष्प.

|                            |       |                                |       |
|----------------------------|-------|--------------------------------|-------|
| १ श्री प्रतिमाछत्तिसी.     | ०-०-६ | २२ सुबोध नियमावली.             | ०-०-६ |
| २ गयबरविलास.               | ०-४-० | २३ प्रभुपूजा                   | ०-०-६ |
| ३ दानछत्तिशा.              | ०-०-६ | २४ जैनदीक्षा                   | भेट.  |
| ४ अनुकंपाछत्तिशी.          | ०-६-० | २५ व्याख्याविलास.              | ०-२-० |
| ५ प्रश्नमाला प्रश्न १००    | ०-०-० | २६ थोकडा प्रबन्ध भा. १         | ०-२-० |
| ६ स्तवन संप्रह भा. १       | ०-२-० | २७ थोकडा प्रबन्ध भा. २         | ०-१-० |
| ७ पैतीश बोल.               | ०-२-० | २८ " " भा. ३                   | ०-२-० |
| ८ दादासाहबकी पूजा.         | ०-१-० | २९ " " भा. ४                   | ०-२-० |
| ९ चर्चाका पब्लिक नोटिस     | भेट.  | ३० " " भा. ५ छपते हैं.         |       |
| १० देवगुरु वन्दनमाला.      | ०-१-० | ३१ सुखविपाक मूल सूत्रप्र.      |       |
| ११ स्तवनसंग्रह भा. २       | ०-२-० | ३२ थोकडा प्रबन्ध भाग ६         | भेट.  |
| १२ लिंगनिर्णय.             | ०-१-० | ३३ दशवैकालिकसूत्र मूल.         | ०-२-० |
| १३ स्तवनसंग्रह भा. ३       | भेट.  | ३४ थोकडा प्रबन्ध भाग ७         | भेट.  |
| १४ सिद्धप्रतिमा मुक्तावली. | ०-८-० | ३५ मेझरनामुं                   | ०-८-० |
| १५ वत्तीस सूत्रदर्पण.      | ०-३-० | ३६ त्रण निर्मा लेखनो उत्तर.    | भेट.  |
| १६ जैन नियमावली.           | भेट.  | ३७ ओशीयां ज्ञान ० लिष्ट        |       |
| १७ ८४ आशातना.              | भेट.  | ३८ थोकडा प्रबन्ध भाग ८         |       |
| १८ ढंके पर चोट (चर्चा)     | भेट.  | ३९ थोकडा प्रबन्ध भाग ९         |       |
| १९ आगम निर्णय              | ०-१-० | ४० श्री नन्दीसूत्र मूलपाठ:     |       |
| २० चैत्यबन्दनादि           | भेट.  | ४१ तीर्थयात्रा                 | भेट.  |
| २१ जैन स्तुति              | ०-१-० | ४२ थोकडा प्रबन्ध भाग १० (प्रे) |       |

श्री रत्नप्रभाकर ज्ञान पुष्पमाला मु० ओसीया तथा  
फलोदी=जीला जोधपुर-मारवाड.